

四庫全書薈要·乾隆御覽本

經部

欽定四庫全書薈要

經部

左傳注疏卷五十一

詳校官原任侍講臣王燕緒



春秋左傳注疏卷五十一

一起昭公二十四年盡二十五年

晉杜氏注

唐陸德明音義

孔穎達疏

十四年春王二月丙戌仲孫獲卒注無傳孟僖子

也音義

獲俱縛反徐俱碧反

媯至自晉注喜得赦歸故書至

夏五月乙未朔日有食之

秋八月大雩

丁酉杞伯郁釐卒注無傳未同盟而赴以名丁酉九月

五日有日無月音義

郁於六反釐本又作  
策力之反又音來

疏

注正義曰  
此年五月

乙未朔一大一小七月甲午朔九月癸巳朔五日得丁酉文在八月之下是有日而無月也

冬吳滅巢注楚邑也書滅用大師疏

注正義曰大都以  
名通故不繫楚也

襄十三年傳例曰  
用大師馬曰滅

葬杞平公注無傳

傳二十四年春王正月辛丑召簡公南宮嚚以甘桓

公見王子朝注簡公召莊公之子召伯盈也嚚南宮

桓之子桓公甘平公之子音義

見賢遍反

劉子謂莒

弘曰甘氏又往矣對曰何害同德度義注度謀也言

唯同心同德則能謀義子朝不能於我無害音義

度徒

洛反疏注正義曰同德度義尚書泰誓文也劉炫云

彼為說必其與彼德同乃度義之勝負但使德勝不  
畏彼彊故即引泰誓而勸其務德杜為不見古文故  
致有此謬今知非者彼尚書之文論兩敵對戰揆度  
有義者彊此論甘氏又往既不能同德何能度義屬  
意有異與書義不同且引詩斷章其類多矣劉以為杜  
違尚書之文而規其過非也

太誓曰紂

有億兆夷人亦有離德注言紂衆億兆兼有四夷不

能同德終敗亡音義

紂直九反疏注正義曰孔安國

為夷狄之人者案四年傳曰商紂為黎之蒐東夷叛之孔杜各自為義其意俱通劉炫以杜為過而規其

短非也余有亂臣十人同心同德注武王言我有治臣

十人雖少同心也今大誓無此語音義治直此周所

以興也君其務德無患無人戊午王子朝入于鄔注

緡氏西南有鄔聚言子朝稍強音義鄔為戶反緡古

聚才佳反○晉士彌牟逆叔孫于箕注將禮而歸之叔孫

使梁其蹻待于門內注蹻叔孫家臣音義蹻戶曰余

定反

左顧而歎乃殺之注疑士伯來殺已故謀殺之音義

歎苦  
代反

右顧而笑乃止叔孫見士伯士伯曰寡君以為

盟主之故是以久子注久執子以謝邾不腆敝邑之

禮將致諸從者使彌牟逆吾子叔孫受禮而歸二月

媾至自晉尊晉也注貶媾族所以尊晉媾行人故不

言罪已音義

朕他典反  
從才用反

疏

注正義曰卿當備書名氏  
去代則為貶責貶媾之族

喜於得免所以尊晉而自屈也釋例曰意如至自晉  
傳言尊晉罪已媾至自晉傳復重發但言尊晉者意  
如以罪見執宜在罪已媾本使人不應見執故尊晉  
而已內大夫行還皆不書至異於公也今此二人執

而見釋更以書至見義也杜言見義者見其喜得釋特告廟而書至也

○三月庚戌晉

侯使士景伯涖問周故注涖臨也就問子朝敬王知

誰曲直音義

涖音利

疏

正義曰晉助敬王久矣今使景伯如周問曲直者以子朝更疆

久競未決晉人恐敬王不成更審其事故疑而使察之也晉人於此乃辭王子朝不納其使則以前猶與往來其心兩望至此始絕耳

士伯立于乾祭而問於介衆注乾祭

王城北門介大也音義

乾音干祭側界反介音戒注同

晉人乃辭王

子朝不納其使注衆言子朝曲故音義

使所更反

○夏五

月乙未朔日有食之梓慎曰將水注陰勝陽故曰將



水昭子曰旱也日過分而陽猶不克克必甚能無旱乎注過春分陽氣盛時而不勝陰陽將猥出故為旱

音義

狎鳥罪反

陽不克莫將積聚也注陽氣莫然不動乃

將積聚音義

陽不克莫絕句

○六月壬申王子朝之師攻瑕

及杏皆潰注瑕杏敬王邑音義

瑕戶加反杏戶孟反潰戶內反

鄭伯

如晉子大叔相見范獻子獻子曰若王室何對曰老

夫其國家不能恤敢及王室抑人亦有言曰廢不恤

其緯注廢寡婦也織者常苦緯少寡婦所宜憂音義

相息亮反發本又作  
釐力之反緯有貴反

而憂宗周之隕為將及焉注恐

禍及已音義

隕于敏反

今王室實蠢蠢焉注蠢蠢動擾貌

音義

蠢昌允反擾而小反本又作動攝

吾小國懼矣然大國之憂也

吾儕何知焉吾子其早圖之詩曰餅之罄矣惟壘之

耻注詩小雅壘大器瓶小器常稟於壘者而所受罄

盡則壘為無餘故耻之音義

儕仕皆反餅本又作瓶步丁反壘音雷

疏

注正義曰此詩小雅蓼莪刺厲王之詩也或曰瓶是  
器壘大餅小甗由壘所資餅是小器常稟受於壘今  
餅罄盡壘更無物以共餅惟是壘之恥也餅喻周壘  
喻晉言周之微弱恒依恃於晉今王室亂矣晉無力

以助之是晉之恥也詩注云瓶小而蓋  
整大而盈刺王不使富分貧衆恤寡

王室之不寧

晉之恥也獻子懼而與宣子圖之注宣子韓起乃徵

會於諸侯期以明年注為明年會黃父傳音義

父音甫

○秋八月大雩旱也注終如叔孫之言○冬十月癸

酉王子朝用成周之寶珪于河注禱河求福音義

珪于

河本或作沈于河沈直陰反又如字

甲戌津人得諸河上注珪自出水

陰不佞以溫人南侵注不佞敬王大夫晉以溫兵助

敬王南侵于朝拘得玉者取其玉將賣之則為石王

定而獻之注不佞獻玉音義

拘音俱王定而獻之本或作王定之

與之

東訾注喜得玉故與之邑鞏縣西南訾城是也音義

訾子斯反

○楚子為舟師以略吳疆注略行也行吳界將

侵之音義

疆居良反行下孟反下同

沈尹戍曰此行也楚必亡邑

不撫民而勞之吳不動而速之注速召也吳踵楚注

躡楚踵跡音義

踵車勇反躡女軌反

而疆場無備邑能無亡乎

楚大夫胥犴勞王於豫章之汭注汭水曲音義

場音亦犴

音岸勞乃報反汭如銳反

越公子倉歸王乘舟注歸遣也音義

歸如

字又其媿反乘繩證倉及壽夢帥師從王注壽夢越反又如字遺唯季反

大夫音義

夢莫公反

王及圍陽而還注圍陽楚地音義

魚

呂疏

正義曰王歸行及圍陽倉與壽夢辭還歸於越也

吳人踵楚而邊人不

備遂滅巢及鍾離而還注鍾離不書告敗略沈尹戌

曰亡郢之始於此在矣王壹動而亡二姓之帥注二

姓之帥守巢鍾離大夫音義

帥所類反注同

幾如是而不及

郢詩曰誰生厲階至今為梗注詩大雅厲惡階道梗

病也音義

幾居豈反又音幾梗更猛反

疏

注正義曰此詩大雅桑柔刺厲王之詩也

其

王之謂乎注為定四年吳入郢傳

經二十有五年春叔孫婁如宋

夏叔詣會晉趙鞅宋樂大心衛北宮喜鄭游吉曹人邾

人滕人薛人小邾人于黃父音義

計五反

有鸛鶴來巢注此鳥穴居不在魯界故曰來巢非常故

書音義

鸛其俱反嵇康音權本又作鸛音劬公羊傳作鸛音權郭璞注山海經云鸛鶴也鸛音欲

疏注正義曰此鳥穴居今驗猶然考工記云鸛鶴不踰濟禹貢導沈水東流為濟入于河溢為滎東出于陶

丘北又東至于荷又東北會于汶又北東入于海濟經齊魯之界魯在汶水之南鸛鶴北方之鳥南不踰濟舊

不在魯界今來魯而不穴又巢居故曰來巢傳曰書所無也是非常故書也公羊傳曰何以書記異也何異爾非中國之禽也宜穴又巢殺梁亦然案今大河以北皆有鷓鴣不得云非中國之禽也宜穴又巢信然

秋七月上辛大雩季辛又雩注季辛下旬之辛也言又

重上事音義

重直龍反又直用反

疏

注正義曰月有三辛上辛上旬之辛也季辛下旬之辛也

長歷推校此年七月己丑朔上辛月三日季辛二十三日也不書其日之辰空言辛者本見旱甚欲知二雩相去遠近耳無取於辰故空書辛也季辛又雩不言大者言又見其重上事上辛是大雩明季辛亦大雩也春秋早則修雩雩而得雨則書雩喜雩有益雩而不得雨則書早以明災成此書二雩者上辛雩而得雨而少尋即為旱故季辛又雩傳曰秋書再雩早甚也是言前雩少得雨早甚而復雩故賈云上辛不注是也公羊傳曰又

零者何又零者非零聚以逐季氏也公以九月始孫豈  
七月已與季氏戰乎若使時實不早亦不得託零以聚  
矣

九月己亥公孫于齊次于陽州注諱奔故曰孫若自孫

讓而去位者陽州齊魯竟上邑未敢直前故次于竟音

義孫音遜本亦作遜注及傳同竟音境下同

齊侯唁公于野井注濟南祝阿

縣東有野井亭齊侯來唁公公不敢遠勞故逆之往至

野井音義

唁音彥弔夫國曰唁

冬十月戊辰叔孫婁卒注公不與小斂而書日者公在



外非無恩音義

與音預敎  
力驗反

十有一月己亥宋公佐卒于曲棘注陳留外黃縣城中  
有曲棘里宋地未同盟而赴以名

十有二月齊侯取鄆注取鄆以居公也音義

鄆音  
運

傳二十五年春叔孫婁聘于宋桐門右師見之注右  
師樂大心居桐門語卑宋大夫而賤司城氏注司城  
樂氏之大宗也卑賤謂其才德薄昭子告其人曰右  
師其亡乎君子貴其身而後能及人是以有禮注唯

禮可以貴身貴身故尚禮今夫子卑其大夫而賤其

宗是賤其身也注賤人人亦賤已能有禮乎無禮必

亡注為定十年樂大心出奔傳疏

正義曰揚子法言云何以動而見敬

曰敬人何以動而見侮曰侮人然則貴人者人亦貴  
之卑人者人亦卑之此言凡人輕賤其身則不能以  
尊貴之道及於他人若君子能自貴其身者已先貴  
人欲其身之貴是以須有禮然後能以尊貴之道及

於他人既尊貴宋公享昭子賦新宮注逸詩疏

正義曰燕

禮記云升歌鹿鳴下管新宮鄭玄云新宮小雅逸篇  
也其詩既逸知是小雅篇者管即笙也以燕禮及鄉

飲酒升歌笙歌同是小雅知新宮必是昭子賦車轄  
小雅但其詩辭義皆亡無以知其意也

注詩小雅周人思得賢女以配君子昭子將為季孫

迎宋公女故賦之音義

轄本又作牽胡瞎反將為子偽反

疏

注正義曰周人

思得賢女以配君子車牽詩序也杜以下云逆女故知將為季孫迎宋公之女故賦之杜必知為逆女而賦者以車牽之詩論逆女之事其詩云間闕車之牽兮思變季女逝兮言間闕然設此車牽思憶變然季女而往迎之又云辰彼碩女令德來教昏論逆女之事又昭子因聘逆女已共宋公平論故於享禮之時而賦車轄猶如季文子如宋致女還賦韓奕之詩與此正同又何不可而劉炫以為昭子賦車轄不為逆女又以新宮非昏姻之事而規杜過然新宮既亡焉知非是親好苟生異見於義非也

明日宴

飲酒樂宋公使昭子右坐注坐宋公右以相近言改

禮坐音義

樂音洛近附近之近禮坐如字又才臥反

疏

注正義曰燕禮云司宮筵賓于戶西

東上小臣設公席于阼階上西鄉是禮坐公西向賓南向也宋公使昭子右坐令在宋公之右蓋在宋公之北同西向以相近言其改禮坐也

語相泣也樂祁佐注助宴禮退而

告人曰今茲君與叔孫其皆死乎吾聞之哀樂注可

樂而哀音義

哀樂音洛注及下同

而樂哀注可哀而樂皆喪心

也心之精爽是謂魂魄魂魄去之何以能久注為此

冬叔孫宋公卒傳音義

喪息浪反下同

○季公若之姊為小

邾夫人注平子庶姑與公若同母故曰公若姊疏

注正

義曰公若即平子之叔父也不言平子之姑而云公若之姊明公若是平子庶叔此姑與公若同母故曰公若姊也

生宋元夫人注宋元夫人平子之外姊生子以妻季平子昭子如宋聘且逆之注平子人臣而因卿

逆季氏強橫音義妻七計反 橫華孟反公若從注從昭子音義

從才用反又 如字注同謂曹氏勿與魯將逐之注曹氏宋元夫

人曹氏告公公告樂祁樂祁曰與之如是魯君必出

政在季氏三世矣注文子武子平子疏注正義曰武子生悼子悼

子生平子政在季氏唯云三世不數悼子者悼子未為卿而卒不執魯政故不數也十二年傳曰季悼子

之卒也叔孫昭子以再命為卿卿必再命乃得經書  
名氏七年二月經書叔孫婁如齊泣盟其年十一月  
季孫宿卒是悼子先武子  
而卒平子以孫繼祖也 魯君喪政四公矣注宣成

襄昭無民而能逞其志者未之有也國君是以鎮撫  
其民詩曰人之云亡心之憂矣注詩大雅言無人則

憂患至音義

逞勅景反

魯君失民矣焉得逞其志靖以待

命猶可動必憂注為下公孫傳音義

焉於虔反

○夏會于

黃父謀王室也注王室有子朝亂謀定之趙簡子令  
諸侯之大夫注簡子趙鞅輸王粟具戍人曰明年將

納王注納王於王城子大叔見趙簡子簡子問揖讓

周旋之禮焉對曰是儀也非禮也疏

正義曰樂記云  
籩豆俎豆制度

文章禮之器也升降上下周旋禘褻禮之文也又曰  
鋪筵席陳尊俎列籩豆以升降為禮者禮之末節也  
故有司掌之仲尼燕居云子張問禮子曰師爾以為  
必鋪几筵升降酌獻酬酢然後謂之禮予言而履之  
禮也又五年傳云公如晉自郊勞至于贈賄禮無違  
者晉侯以為知禮女叔齊曰是儀也非禮也此問揖  
讓周旋之禮又云是儀也非禮也凡此諸文皆言禮  
與儀異禮之與儀非為大異但所從言之有不同耳  
禮是儀之心儀是禮之貌本其心謂之禮察其貌謂  
之儀行禮必為儀為儀未是禮故云儀非禮也鄭玄  
禮序云禮者體也履也統之於心曰禮踐而行之曰  
履此訓兩釋良有以也鄭謂體為禮履為儀是其所

以禮儀別也

簡子曰敢問何謂禮對曰吉也聞諸先大夫

子產曰夫禮天之經也注經者道之常地之義也注

義者利之宜民之行也注行者人所履行音義

之行下孟

反注同

天地之經而民實則之則天之明注日月星辰

天之明也因地之性注高下剛柔地之性也疏

正義曰自

夫禮至因地之性言禮本法天地也自生其六氣至  
民失其性言天用氣味聲色以養人不得過其度也  
是故為禮以下言聖人制禮以奉天性不使過其度  
也經常也義宜也夫禮者天之常道地之宜利民之  
所行也天地之有常道人民實法則之法則天之明  
道因循地之恒性聖人所以制作此禮也此傳文於



天言常則地亦常也於地言義則天亦義也覆言天  
地之經明天地皆有常也天有常明之義地有常利  
之義也覆云則天之明是天以明為常因地之性則  
地以性為義是天以光明為常義地以剛柔為常義  
義謂義理性謂本性言天地性義有常可以為法故  
民法之而為禮也注正義曰覆而無外高而在上運  
行不息日月星辰溫涼寒暑皆是天之道也訓經為  
常故言道之常也載而無事物無不殖山川原隰剛  
柔高下皆是地之利也訓義為宜故云利之宜也杜  
以今文孝經云用天之道因地之利故天以道言之  
地以利言之天無形言其有道理也地有質言其有  
利益也民之所行法象天地象天而為之者皆是天  
之常也象地而為之者皆是地之宜也故禮為天之  
經地之義也孝經以孝為天之經地之義者孝是禮  
之本禮為孝之末本末別名理實不異故取法天地  
其事同也民謂人也人稟天地之性而生動作皆象

天地其踐履謂之為行但人有賢與不肖行有過與不及聖人制為中法名之曰禮故禮是民之行也行者人之所履也易及爾雅並訓履為禮是禮名由踐履而生也人之本性自然法象天地聖人還復法象天地而制禮教之是禮由天地而來故仲尼說孝子產論禮皆天地民三者並言之則天之明杜以為日月星辰者以下傳云為父子兄弟昏媾姻婭以象天明若衆星之共北辰故知天明日月星也杜知高下剛柔地之性者以下傳云為君臣上下以則地義則君高臣下臣柔君剛地義則地之性也傳文上下其理分明人法天地其事多種杜以天明地義舉要而言故不備顯刑罰威獄溫慈惠和劉炫責杜不具載其文而規其過非也此傳文天言則地言因者民見地有宜利因取而法效之因亦則之義也既言天之經不可復言地之經故變文稱義既言則天之明不可復言則地之性故變文言因因之與則互相通也

正是變文  
使相辟耳

生其六氣注謂陰陽風雨晦明用其五行

注金木水火土氣為五味注酸鹹辛苦甘發為五色

注青黃赤白黑發見也音義

見賢通反  
下解見同

章為五聲注

宮商角徵羽音義

徵張  
里反

淫則昏亂民失其性注滋味

聲色過則傷性疏

正義曰此言天用氣味聲色以養  
人不得過其度也因上則天之下

更復本之於天傳稱天有六氣此言生其六氣謂天  
生之也用其五行謂天用之上天用此五行以養  
人五行之氣入人之口為五味發見於目為五色章  
徹於耳為五聲味以養口色以養目聲以養耳此三  
者雖復用以養人人用不得過度過度則為昏亂使  
人失其恒性故須為禮以節之注正義曰洪範云五

行一曰水二曰火三曰木四曰金五曰土孔安國云  
皆其生數是其以生數為次也大禹謨說六府云水  
火金木土穀五行之次與洪範異者以相尅為次也  
此注言金木水火土者隨便而言之不以義為次也  
五物世所行用故謂之五行五者各有材能傳又謂  
之五材此傳所說禮意在味色聲也但味色聲本  
於五行而來五行又是六氣所生故先言六氣五行  
然後至於味色聲也釋名五氣於其方各施行白虎  
通云言為天行氣故謂之五行洪範又演五行云水  
曰潤下火曰炎上木曰曲直金曰從革土爰稼穡潤  
下作鹹炎上作苦曲直作酸從革作辛稼穡作甘孔  
安國云鹹水鹵所生苦焦氣之味酸木實之性辛金  
之氣味甘味生於百穀是言五行之氣為五味水味  
鹹火味苦木味酸金味辛土味甘也五行本性自有  
此氣氣至於人乃為五味味之為異入口乃知言氣  
為五味謂氣入口與下章也發也皆據人知為文味

為性所有色是形之貌聲是質之響色可近視聲可遠聞自近以及遠故以口目耳所知味色聲為次也五色五行之色也木色青色火色赤土色黃金色白水色黑也木生柯葉則青金被磨礪則白土黃火赤水黑則本質自然也發見也謂見於人目有此五色聲之清濁差為五等聖人因其有五分配五行其本末由五行而來也但既配五行即以五者為五行之聲土為宮金為商木為角火為徵水為羽聲之清濁入耳乃知是章徹於人為五聲也此言章為五聲元年傳云徵為五聲章徵不同者據聲之至人是為章徹據人之知聲則為徵驗是彼此之異言耳老子云五味令人口爽五色令人目盲五音令人耳聾言其過既者之則有此病是是故為禮以奉之注制禮以奉其過則傷本性也

其性為六畜注馬牛羊雞犬豕音義

畜許六反  
又楮六反

五牲

注康鹿麋狼兔音義

康亡悲反麋九倫反本亦作麋

三犧注祭天地

宗廟三者謂之犧以奉五味疏

正義曰口欲嘗味目欲視色耳欲聽聲人

之自然之性也欲之不已則失其性聖人慮其失性  
是故為禮以奉養其性使不失也牲犧祭祀所用非  
人所食而以牲犧奉五味者禮推人道以事神之  
所享皆是人食尊鬼神而異其名耳故亦為奉五味  
注正義曰爾雅釋畜馬牛羊犬雞五者之名其豕在  
釋獸之篇畜養也家養謂之畜野生謂之獸豕有野  
豕故因記之於釋獸耳又釋畜之末別釋馬牛羊豕  
犬雞六者之名其下題曰六畜謂此是也周禮膳夫  
云膳用六牲是庖用六牲也庖人掌共六畜鄭玄云  
六牲馬牛羊豕犬雞六畜即六牲也始養之曰畜將  
用之曰牲是畜牲一也十一年傳曰五牲不相為用  
注云五牲牛羊豕犬雞此異彼者以上文已言六畜

則五牲非六畜故別解之周禮庖人掌共六獸鄭眾云六獸麋鹿熊麋野豕兔鄭玄云獸人冬獻狼夏獻麋又內則無熊則六畜當有狼而熊不屬今杜解五牲之名用鄭玄六畜之說去野豕而以其餘當之也傳稱牛卜曰牲鄭玄云將用之曰牲此五者實獸也據其將用祭祀故名之曰牲服虔云牲麋鹿熊狼野豕尚書泰誓武王數紂之罪云乃夷居弗事上帝神祇遺厥先宗廟弗祀犧牲粢盛既于凶盜於神祇宗廟之下總言犧牲杜雖不見古文其言闕與之合是祭天地宗廟之牲謂之犧也然則犧亦六畜而別言之者周禮牧人凡祭祀共其犧牲以授充人繫之鄭玄云犧牲毛羽完具也授充人者當殊養之然則六畜之內取其毛羽完具別養以共祭祀者乃名為犧故與六畜異言之也服虔云三犧鴈鶩雉也

**九文**注謂山龍華蟲藻火粉米黼黻也華若草華藻

水草火畫火粉米若白米黼若斧黻若兩已相戾傳

曰火龍黼黻昭其文也音義

黼音甫 黻音弗 疏注正義曰尚

帝曰予欲觀古人之象日月星辰山龍華蟲作會宗  
彝藻火粉米黼黻絺繡以五采彰施于五色作服汝  
明尚書之文如此其解者多有異說孔安國云日月  
星為三辰華象草華蟲雄也畫三辰山龍華蟲於衣  
服旌旗會五采也以五采成此畫馬宗廟彝樽亦以  
山龍華蟲為飾藻水草有文者火為火字粉若粟冰  
米若聚米黼若斧形黻為兩已相背萬之精者曰絺  
五色備曰繡如孔此言日也月也星辰也山也龍也  
華也蟲也七者畫於衣服旌旗山龍華蟲四者亦畫  
於宗廟彝毼藻也火也粉也米也黼也黻也六者繡  
之於裳如此數之則十三章矣天之數不過十二  
若為十三無所法象或以為孔并華蟲為一其言華



象草華蟲雉者言象草華之蟲故為雉也若華別似  
草安知蟲為雉乎未知孔意必然以否鄭玄讀會為  
績謂畫也締為繡謂刺也宗彝謂虎雉也周禮宗廟  
彝器有虎彝雉彝故以宗彝名虎雉也周禮有衮冕  
鷩冕毳冕其衮鷩毳者各是其服章首所畫舉其首  
章以名服耳衮是衮龍也鷩冕九章以龍為首鷩是  
華蟲也鷩冕七章以華蟲為首毳是虎雉也毳冕五  
章以虎雉為首虎毛淺雉毛深故以毳言之毳亂毛  
也如鄭此言則於尚書之文其章不次故於周禮之  
注具分辨之鄭於司服之注具引尚書之文乃云此  
古天子冕服十二章希或作黻字之誤也王者相變  
至周而以日月星辰畫於旌旗所謂三辰旂旗昭其  
明也而冕服九章登龍於山登火於宗彝尊其神明  
也九章初一日龍次二曰山次三曰華蟲次四曰火  
次五曰宗彝皆畫以為績次六曰藻次七曰粉米次  
八曰黼次九曰黻皆締以為繡則衮之衣五章裳四

章凡九也。鷩畫以雉謂華蟲也。其衣三章。裳四章。凡七也。毳畫虎。雌謂宗彝也。其衣三章。裳二章。凡五也。是鄭玄之說。華蟲為一。粉米為一也。杜之此注亦以日月星辰畫於旌旗。九文唯言衣服之文。謂山也。龍也。華也。蟲也。藻也。火也。粉米也。黼也。黻也。以此為九。杜言華若草華而不言蟲。則華蟲各為一也。粉米若白米。是粉米共為一也。詩云魚在藻。為水草也。孔安國云火為火字。考工記畫績之事。火以圜。鄭眾云為圜形。以火。鄭玄云形如半圓。然則杜言火畫火。蓋同。安國為火字也。粉米色白。故粉米若白米也。考工記曰。白與黑謂之黼。孔安國云。黼若斧形。謂刃白而身黑。故若斧也。黻為兩己相戾。今之刺黻猶然也。引桓二年傳曰。火龍黼。黻昭其文也者。以證此九文是山龍之屬也。世本云。胡曹作冕。注云。胡曹黃帝臣也。繫辭云。黃帝堯舜垂衣裳而天下治。蓋取諸乾坤。則冕服起於黃帝也。加飾起自唐虞。即書云。予欲觀古人之

象云云是也所以衣服畫日月星等者象王者之德  
照臨天下如三光之耀也山體鎮重象王者之德鎮  
重安靜四方又能潤益含靈如山興雲致雨也龍者  
水物也象王者之德流通無壅如水利蒼生又龍舒  
卷變化無方象人君有無方之德也華蟲即鷲雉雉  
有文章表王者有文章之德也宗彝彝常也宗廟之  
常罷有六彝今唯取虎雉者虎取毛淺而有威雉取  
毛深而有知以表王者有深淺之知威猛之德也藻  
者水草是鮮潔之物生於清水能隨短長象王者之  
德冰清玉潔隨機應物隨民設教不肅而成也火者  
火性炎上用表王者之德能使率土羣黎向歸上命  
也粉米者米能濟人之命表王者有濟養之德也黼  
白與黑形若斧斧能裁斷以象王者有裁斷之德也  
黻之言戾戾背也黑與青謂之黻作兩己字相背象  
王者能綏化兆民能使向己背惡以從善故為黻也  
日之質赤月星之質白山作獐考工記云山以獐也

龍為騰躍之形雖爾雅云印鼻而長尾郭璞云似獼  
猴而大也章次如此者王者與天地合其德日月星  
天用昭明日最為盛所以居先月星光劣其次之也  
上以象天下宜法地地之形勢莫大於山故次三光  
也龍為水物水出於山故次之也華蟲象於禮樂文  
章以禮樂文章潤於萬物故以次龍也宗彝所以次  
華蟲者言王者既有禮樂酒威知乃行無威則民不  
畏無知則教不成故以次也藻所以次宗彝者王者  
威知之德隨世而應故以次也火者言王者有德必  
向歸仰之如火向上故次之也米所以次火者民既  
歸王王須濟活濟活之理得米為生故次之也黼所  
以次米者言王者能濟活兆民宜裁斷合理如斧之  
斷決故以次之黻所以次黼者王既裁斷得六采注  
所善惡各有分宜人皆背惡從善故以次之  
畫績之事雜用天地四方之色青與白赤與黑玄與

黃皆相次謂之六色音義

續戶疏注正義曰考工記對反疏云畫績之事雜五

色東方謂之青南方謂之赤西方謂之白北方謂之黑天謂之玄地謂之黃青與白相次赤與黑相次玄與黃相次鄭玄云此言畫績六色所象及布采之第次此杜取彼記文省約而為之辭也

五章以

奉五色注青與赤謂之文赤與白謂之章白與黑謂

之黼黑與青謂之黻五色備謂之繡集此五章以奉

成五色之用疏

注正義曰謂之繡以上皆考工記文也此刺繡之文以比方相次色亦采

也六采謂績畫五色謂刺繡故令色采之文異耳鄭注尚書性曰采施曰色味色聲三事色居其中故杜言集此五章以奉成五色之用明上下二文亦集為此所陳以奉成五味五聲之用舉中以明上下也

九歌八風七音六律以奉五聲注解見二十年為君

臣上下以則地義注君臣有尊卑法地有高下為夫

婦外內以經二物注夫治外婦治內各治其物疏正義

曰此更覆上因地之義也為父子以下至生殖長育覆上則天之明也地有高下聖人制禮為君臣上下君在上臣在下以法則地之義也以地有剛柔為夫婦外內夫治外婦治內以經紀二物也物事也治理外內之二事也上云天之經也地之義也又云則天之明因地之性再重言之皆先天後地但法地事少則天事多故上先言法天後言法地此先云為君臣上下以則地義始云為父子兄弟以象天明者以其則地事少故先言之象天事多欲下就以從四時類其震曜殺戮及生殖長育皆是象天之事欲使文相

連接故後言之也下云以象天明則此當云以象地性而云以則地義者義之與性一也因其先言故遠覆上土地為父子兄弟姊妹甥舅昏媾姻亞以象天之義也

明注六親和睦以事嚴父若衆星之共辰極也妻父

曰昏重昏曰媾壻父曰姻兩壻相謂曰亞音義

媾古豆反

姻音因亞於嫁反本亦作姪同重直龍反疏注正義曰老子云六親不和夫婦也孝經曰孝莫大於嚴父論語云北辰居其所而衆星共之六親父為尊嚴衆星北辰為長六親和睦以事嚴父若衆星之共北極是其象天明也妻父為昏壻父為姻兩壻相謂曰亞皆釋親文也重昏曰媾爾雅無文相傳說耳釋親文曰男子先生為兄後生為弟男子謂女子先生為姊後生為妹父之姊妹

為姑母之舅弟為舅謂我舅者吾謂之甥  
此皆世俗常言杜不解者為易知故也

為政事庸

力行務以從四時注在君為政在臣為事民功曰庸

治功曰力行其德教務其時要禮之本也音義

治直  
吏反

疏

注正義曰論語云冉子退朝子曰何晏對曰有政  
子曰其事也如有政雖不吾以吾其與聞之於時

冉子仕於季氏稱季氏有政孔子謂之為事是在君  
為政在臣為事也此對文別耳論語稱孝友是亦為

政明其政事通言也民功曰庸治功曰力周禮司勳  
文也鄭玄以為庸謂法施於民若后稷力謂制法成

治若咎繇司勳又云王功曰勳國功曰功事功曰勞  
戰功曰多鄭注云王功者若周公國功者若伊尹事

功者若禹戰功者若韓信陳平行其德教務其時要  
使民春耕夏耘秋斂冬歲聖王之化先致力於民是



為禮之  
本也  
為刑罰威獄使民畏忌以類其震曜殺戮注

雷震電曜天之威也聖人作刑戮以象類之為溫慈

惠和以效天之生殖長育民有好惡喜怒哀樂生于

六氣注此六者皆稟陰陽風雨晦明之氣音義

孝反

長丁文反好呼報反注及下於好昏同惡烏路

疏注

反下注及下於惡昏同樂音洛下及注皆同

正

義曰賈逵云好生於陽惡生於陰喜生於風怒生於  
雨哀生於晦樂生於明謂一氣生於一志謬矣杜以  
元年傳云天有六氣降生五味謂六氣共生五味非  
一氣生一味此民之六志亦六氣共生之非一氣生  
一志故云此六者皆稟陰陽風雨  
是故審則宜類以  
晦明之氣言共稟六氣而生也

制六志注為禮以制好惡喜怒哀樂六志使不過節

疏

正義曰民有六志其志無限是故人君為政審法時之所宜事之所類以制民之六志使之不過節

也下云審行信令謂人君行之知此審則宜類亦是人君則之審者言其謹慎之意也此六志禮記謂之六情在己為情情動為志情一也所從言之異耳

哀有哭泣樂有歌舞喜有

施舍怒有戰鬥喜生於好怒生於惡是故審行信令

禍福賞罰以制死生生好物也死惡物也好物樂也

惡物哀也哀樂不失乃能協于天地之性是以長久

注協和也簡子曰甚哉禮之大也對曰禮上下之紀

天地之經緯也注經緯錯居以相成者疏

正義曰言禮之於天

地猶織之有經緯得經緯相錯乃成文如天地得禮始成就

民之所以生也是以

先王尚之故人之能自曲直以赴禮者謂之成人大

不亦宜乎注曲直以弼其性疏

正義曰劉炫云禮有宜曲宜直不可信情

而行故人之能自曲直以赴於禮者謂之為成人不能赴禮則不成為人謂之為大不亦宜乎赴謂奔走言弼諧已性奔走以赴禮也恐劉義未當注正義曰性曲者以禮直之性直者以禮曲之故云曲直以弼其性也簡子曰鞅也請終身守此言也注鞅能守此言

故終免於晉陽之難音義

以赴禮者赴或作從難乃且反

宋樂大心

曰我不輸粟我於周為客注二王後為賓客若之何  
使客晉士伯曰自踐土以來注踐土在僖二十八年  
宋何役之不會而何盟之不同曰同恤王室子馬得  
辟之子奉君命以會大事而宋背盟無乃不可乎右

師不敢對受牒而退注右師樂大心音義

馬於虔反背音佩下

同疏

正義曰說文云簡牒也牒札也於時號令輸王粟具戍人宋國之應出人粟之數書之於牒受

牒而退言服從也

士伯告簡子曰宋右師必亡奉君命以使

而欲背盟以干盟主無不祥大焉注言不善無大此

者為定十年宋樂大心出奔傳音義

使所吏反

○有鸚鵡

來巢書所無也師已曰異哉吾聞文成之世童謠有

之注師已魯大人音義

已音紀一音祀註音遙

曰鸚之鵠之公

出辱之注言鸚鵡來則公出辱也疏

正義曰此鳥以兩字為名但謠

解必韻故分言之

鸚鵡之羽公在外野往饋之馬注饋遺也

音義

饋音求位反遺唯季反

鸚鵡踈踈公在乾侯注踈踈跳行

貌音義

踈張于反又張留反跳直彫反

微褰與襦注褰袴音義

褰起虔反

字林已偃反又音愆襦本或作褻而朱反袴苦故反說文作袴

疏

注正義曰內則云童子不衣襦袴是

衣有袴也以可褻  
行故以褻為袴

鸛鵒之巢遠哉遥遥稠父喪勞宋

父以驕注稠父昭公死外故喪勞宋父定公代立故

以驕音義

稠直留反父音甫下同喪息浪反注同

鸛鵒鸛鵒往歌來哭

注昭公生出歌死還哭童謠有是今鸛鵒來巢其將

及乎注將及禍也○秋書再雩旱甚也疏

正義曰既言旱甚而

經不書旱者傳言旱甚解經一月再雩再雩雖曰旱甚然而後雩得雨不至成災故不書旱

○初

季公鳥娶妻於齊鮑文子生甲注公鳥季公亥之兄

平子庶叔父音義

娶七住反

公鳥死季公亥與公思展與

公鳥之臣申夜姑相其室注公亥即公若也展季氏

族相治也音義

夜本或作射音夜又音亦相息亮反注同

及季妣與饗人

檀通注季妣公鳥妻鮑文子女饗人食官音義

似音檀

直丹反人名也或市戰反

而懼乃使其妾扶已以示秦遄之妻注

秦遄魯大夫妻公鳥妹秦姬也音義

扶物乙反遄市專反

曰公

若欲使余余不可而扶余又訴於公甫注公甫平子

弟音義

訴音素又音想

曰展與夜姑将要余注要劫我以非

禮音義

展與夜姑竝如字公思展及申夜姑也與及也讀或作餘音者非也要一遙反下同

秦

姬以告公之注公之亦平子弟公之與公甫告平子

平子拘展於卞而執夜姑將殺之公若泣而哀之曰

殺是是殺余也將為之請平子使堅勿內日中不得

請有司逆命注執夜姑之有司欲迎受殺生之命音

義為于偽反公之使速殺之故公若怨平子季郈之雞鬪

注季平子郈昭伯二家相近故雞鬪音義郈音后字林下通反

近附近之近又如字季氏介其雞注擣芥子播其羽也或曰以

膠沙播之為介雞音義介又作芥音界疏注正義曰杜此二解一讀介為芥擣



芥子為末播其難羽賈遠云播芥子為末播其難翼  
可以全郈氏雞目是此說也鄭眾云介甲也為雞著  
甲高誘注呂氏春秋云鏗著雞頭杜又云或曰不知  
誰說以膠沙播之亦不可解蓋以膠塗雞之足爪然  
後以沙糝之令其澁得傷彼雞也  
以郈氏為金距言之則著甲是也  
郈氏為之金距平  
子怒注怒其不下已音義

下遐  
嫁反

益宮於郈氏注侵郈

氏室以自益且讓之注讓責也故郈昭伯亦怒平子

臧昭伯之從弟會注昭伯臧為子音義

從才用反後  
從者皆同

為讒於臧氏而逃於季氏臧氏執旃平子怒拘臧氏  
老將禘於襄公萬者二人其眾萬於季氏注禘祭也

萬舞也於禮公當三十六人音義

禘大計反疏正義曰李氏私祭家

廟與禘同日言將禘是豫部分也樂人少季氏先使  
自足故於公萬者唯有二人其衆萬於季氏輕公重  
己故大夫遂恣注正義曰釋例曰三年喪畢致新死  
之主以進於廟於是乃大祭於大廟以審定昭穆謂  
之禘禘於大廟禮之常也各於其宮時之為也雖非  
三年大祭而書禘用禘禮也釋天云禘大祭也執干  
戚而舞謂之萬舞也隱五年傳說舞佾之差云諸侯  
用六是於禮法當三十六人也此以正禮言耳亦不  
知昔時魯君用六佾與否公羊傳曰昭公告子家駒  
曰季氏僭公室吾欲弑之何如子家駒曰諸侯僭天  
子大夫僭諸侯久矣公曰吾何僭矣哉子家駒曰設  
兩觀乘大路朱干玉戚以舞大夏八佾以舞大武此  
皆天子之禮也如彼傳文當臧孫曰此之謂不能庸  
時或僭八佾佾不必用六也

先君之廟注不能用禮也蓋襄公別立廟疏

注正義曰社以

襄若以次遞毀則廟與先公同處禘於襄公亦應兼祭餘廟今特云禘於襄公似與先公異處故云蓋襄

公別立廟大夫遂怨平子公若獻弓於公為注公為昭公

子務人且為之出射於外而謀去季氏公為告公果

公賁注果賁皆公為弟音義

去起呂反賁音奔又扶云反又皮義反

公

果公賁使侍人僚袒告公公寢將以戈擊之乃走公

曰執之亦無命也注獨言執之無勅命音義

侍人本亦作寺

人袒側加反

懼而不出數月不見公不怒又使言公執戈

以懼之乃走又使言公曰非小人之所及也注謂僚

相為小人音義

數所主反下數世同見賢遍反

公果自言公以告臧

孫臧孫以難注言難逐音義

難如字注同

告郈孫郈孫以

可勸告子家懿伯注子家羈莊公之玄孫音義

郈孫以可

絕句勸勸公逐季氏也

懿伯曰讒人以君徼幸事若不克君受

其名注受惡名音義

徼古堯反

不可為也疏

正義曰讒人謂公若郈孫

之徒讒季氏者勸君使伐季氏以君徼天之幸幸而得勝則以為己功不勝則推君為惡不可從也

舍

民數世以求克事不可必也疏

正義曰克勝也言君從上以來舍民已經

數代今以求勝且政在焉其難圖也公退之注退使

此事不可必也

捨音

去音義辭曰臣與聞命矣言若洩臣不獲死乃

館於公注恐受洩命之罪故留公宮以自明音義

與音

預洩息列反又以制反注同漏泄也

叔孫昭子如闕注闕魯邑音義

闕音

暫反公居於長府注長府官府名九月戊戌伐季氏殺

公之于門遂入之平子登臺而請曰君不察臣之罪

使有司討臣以干戈臣請待於沂上以察罪弗許注

魯城南自有沂水平子欲出城待罪也大沂水出蓋

縣南至下邳入泗音義

沂魚依反

疏

注正義曰釋例土地名襄十八年沂出東

莞蓋縣艾山南經琅邪東海至下邳縣入泗此沂水出魯國魯縣西南入泗水是沂水有二也此注云魯城南自有沂水謂出魯縣者也又云大沂水出蓋縣南至下邳入泗謂襄十八年之沂水也以有二故辯

明之請囚于費弗許請以五乘亡弗許子家子曰君其

許之政自之出久矣隱民多取食焉注隱約窮困音

義

乘繩證反

為之徒者衆矣日入愚作弗可知也注愚姦

惡也日冥姦人將起叛君助季氏不可知音義

愚他得反

冥亡定反衆怒不可蓄也注季氏衆音義

蓄勅六反本亦作畜下竝同

蓄而弗治將蓋注蓋積也音義

蓋本亦作  
蓋紆粉反

蓋蓄民將

生心生心同求將合注與季氏同求叛君者君必悔

之弗聽郈孫曰必殺之公使郈孫逆孟懿子注懿子

仲孫何忌叔孫氏之司馬駸戾言於其衆曰若之何

莫對注衆疑所助音義

駸子公反  
戾力計反

又曰我家臣也不

敢知國凡有季氏與無於我孰利皆曰無季氏是無  
叔孫氏也駸戾曰然則救諸帥徒以往陷西北隅以

入注陷公圍也音義

陷陷沒之陷隅  
本或作竭音同

公徒釋甲執冰

而踞注言無戰心也冰擗丸蓋或云擗丸是箭筈其

蓋可以取飲音義

踞音據擗音獨丸胡官反  
筈音童又音動一音勇

疏

正義曰二

十七年傳說此事云豈其代人而說甲執冰以游則此踞是游也曲禮云遊無倨倨是慢也謂傲慢而遊戲注正義曰賈逵云冰擗丸蓋也則是相傳為此言也方言曰弓藏謂之鞬或謂之擗丸如彼文則擗丸是盛弓者也此或說擗丸是箭筈其蓋可以取飲十三年傳云司鐸射奉壺飲冰謂執此也詩云抑釋棚忌抑也弓忌也藏弓則冰藏矢也毛傳云棚棚所以覆矢棚與冰字雖異音義同是一罷也

遂逐之

注遂公徒孟氏使登西北隅以望季氏見叔孫氏之

旌以告孟氏執郈昭伯殺之于南門之西遂伐公徒



子家子曰諸臣偽劫君者而負罪以出君止注使若

非君本意者君自可止不出疏

正義曰子家子以為  
公本意自伐季氏非

是諸臣所劫今子家意欲得令諸臣等偽作  
劫君以伐季氏者令負罪而出君自可止

意如之

事君也不敢不改注意如季平子名公曰余不忍也

與臧孫如墓謀注辭先君且謀所奔遂行巳亥公孫

于齊次于陽州齊侯將唁公于平陰公先至于野井

齊侯曰寡人之罪也使有司待于平陰為近故也注

齊侯自咎本不勅有司遠詣陽州而欲近會于平陰

故令魯侯過共先至野井遠見迎逆自咎以謝公音

義為于偽反咎其九反下同令力逞反

書曰公孫于齊次于陽州齊侯

言公于野井禮也將求於人則先下之禮之善物也

注物事也謂先往至野井音義

下避嫁反

齊侯曰自莒疆

以西請致千社注二十五家為社千社二萬五千家

欲以給公音義

疆居良反

疏

注正義曰禮有里社郊特牲稱唯為社事卑出里以二十

五家為里故知二十五家為社也

以待君命注侍君伐季氏之命寡

人將帥敵賦以從執事唯君是聽君之憂寡人之憂

也公喜子家子曰天祿不再天若胙君不過周公以

魯足矣失魯而以千社為臣誰與之立注為齊臣音

義

胙才

正義曰天之福祿不可再謂得齊千社復得魯國也胙報也天若報君終不得過於

周公周公止封魯以魯封君足矣若既得魯國又得千社則是過周公矣周公理不可過得齊千社夫魯國也既失魯國而以上下為臣於齊誰復與之立也言從君之人皆將棄君去矣

且齊君無

信不如早之晉弗從臧昭伯率從者將盟載書曰戮

力壹心好惡同之信罪之有無注信明也處者有罪

從者無罪音義

戮音六又力彫反

繼縵從公無通外內注繼

終不離散音義

纏音遣終起阮反

以公命示子家子子家子

曰如此吾不可以盟羈也不佞不能與二三子同心

而以為皆有罪注從者陷君留者逐君皆有罪也或

欲通外內且欲去君注去君偽負罪出奔不必纏終

從公二三子好亡而惡定焉可同也陷君於難罪孰

大焉通外內而去君君將速入弗通何為而何與焉

乃不與盟注何必守公音義

好呼報反惡烏路反焉可於虔反難乃旦反不

與音預

昭子自闕歸見平子平子稽顙曰子若我何昭

子曰人誰不死子以逐君成名子孫不忘不亦傷乎  
將若子何平子曰苟使意如得改事君所謂生死而  
肉骨也昭子從公于齊與公言子家子命適公館者  
執之注恐從者知叔孫謀音義稽音啟賴  
息黨反公與昭子

言於幄內曰將安衆而納公注昭子請歸安衆音義

幄於  
角反

公徒將殺昭子疏

正義曰昭子謀歸安衆而後  
納公則獨公得入從公伐季

氏者不得入故  
欲殺昭子也

伏諸道注伏兵左師展告公公使昭

子自鑄歸注辟伏兵音義

鑄之  
樹反

平子有異志注不欲

復納公音義

復扶又反

冬十月辛酉昭子齊於其寢使祝

宗祈死戊辰卒注恥為平子所欺因祈而自殺音義

齊則皆反

本又作齊

左師展將以公乘馬而歸公徒執之注展

魯大夫欲與公俱輕歸音義

乘如字駢馬也輕遣政反

疏

正義曰古者服

牛乘馬馬以駕車不單騎也至六國之時始有單騎燕秦所云車十乘騎萬匹是也曲禮云前有車騎者禮記漢世書耳經典無騎字也炫謂此左師展將以公乘馬而歸欲共公單騎而歸此騎馬之漸也

壬申尹文公涉于鞏焚東營弗克注文公子朝黨於

鞏縣涉洛水也東營敬王邑○十一月宋元公將為

公故如晉注請納公音義

為音于  
偽反

夢大子樂即位於

廟已與平公服而相之注平公元公父音義

相息  
亮反

疏

正義曰言已與父平公  
盛服飾而輔相之也

且召六卿公曰寡人不佞不

能事父兄注父兄謂華向以為二三子憂寡人之罪

也若以羣子之靈獲保首領以歿唯是編拊所以藉

幹者注編拊棺中苓林也幹骸骨也音義

歿音沒  
編田反拊

步口反又音附藉在夜  
反苓力丁反骸戶皆反

疏

正義曰說文云編方木  
也幹骨也木以藉骨明是

棺中苓林也宋元所言藉幹者舉骨  
而言耳非獨為骨故云幹骸骨也

請無及先君注

欲自貶損仲幾對曰君若以社稷之故私降昵宴羣

臣弗敢知注昵近也降昵宴謂損親近聲樂飲食之

事音義乙反女若夫宋國之法死生之度先君有命矣

羣臣以死守之弗敢失隊臣之失職常刑不赦臣不

忍其死君命祇辱注言君命必不行祇適也音義直

類反祇宋公遂行己亥卒于曲棘注為明年梁丘據

語起本○十二月庚辰齊侯圍鄆注欲取以居公不

書圍鄆人自服不成圍疏注正義曰經書取鄆而傳言圍鄆故云鄆人自服不



成國以傳云書取言易也故賈為此解杜從之也劉炫以為此時國郟而未得明年方始取之經即因國書取傳言實國之日非自服也而規杜氏今知非者案二十六年公圍成亦是國而不得而書圍此若國郟不得何以不書圍案元年伐莒取郟書取不言伐此國郟取郟亦書取不言圍其義正同何為不可劉何知此年國郟未服郟若未服經何得書取苟出胸臆而規杜氏非也 ○初臧昭伯如

晉臧會竊其寶龜僂句注僂句龜所出地名音義

僂句龜所出地名音義

主反又刀具疏注正義曰釋魚云一曰神龜二曰靈

反句居具反龜三曰攝龜四曰寶龜五曰文龜六

曰莖龜七曰山龜八曰澤龜九曰水龜十曰火龜則

龜名無僂句故云所出地之名臧氏有蔡又有此蓋

所實非一以下為信與僭僭吉注僭不信也音義

僭子念反注同

臧氏老將如晉問注問昭伯起居會請往注代家老  
行昭伯問家故盡對注故事也及內子與母弟叔孫  
則不對注內子昭伯妻不對若有他故再三問不對

歸及郊會逆問又如初注又不對至次於外而察之  
皆無之執而戮之逸奔郕郕鮒假使為賈正焉注郕

在東平無鹽縣東南鮒假郕邑大夫賈正掌貨物使

有長賈若市吏音義

鮒音房賈音嫁注同疏正義曰賈正如周禮之賈師也賈師

二十肆則一人其職云各掌其次之貨賄之治辨其物而均平之禁賈賣者使有恒賈此郕邑大夫使為

賈正使為郟市之賈正也郟在後為叔孫私邑此時尚為公邑故使賈正通計簿於季氏計於季

氏注送計簿於季氏音義簿步戶反臧氏使五人以戈楯

伏諸桐汝之間注桐汝里名音義楯食準反又音允會出逐

之反奔執諸季氏中門之外平子怒曰何故以兵入

吾門拘臧氏老季臧有惡注相怨惡及昭伯從公平

子立臧會注立以為臧氏後會曰儻句不余欺也注

傳言卜筮之驗善惡由人○楚子使蓬射城州屈復

茄人焉注還復茄人於州屈音義屈居勿反一音具勿反茄人音加

城丘皇遷訾人焉注移訾人於丘皇使熊相謀郭巢  
季然郭卷注使二大夫為巢卷築郭也卷城在南陽  
葉縣南音義相息亮反謀音梅卷音  
稚或卷勉反為于偽反子大叔聞之曰  
楚王將死矣使民不安其土民必憂憂將及王弗能  
久矣注為明年楚子居卒傳

春秋左傳注疏卷五十一

春秋左氏傳注疏卷五十一考證

丁酉杞伯郁釐卒疏七月甲午朔○七月下監本衍一  
至字今刪

傳媯至自晉尊晉也○

臣呂南

按媯以前年見執此經

蒙前文故不書族非尊晉也呂祖謙曰媯不言叔孫  
前見也

傅士伯立於乾祭而問於介衆○後漢郡國志河南尹  
河南春秋時謂之王城東城門名鼎門北城門名乾

祭

傳梓慎曰將水昭子曰旱也○

臣呂南

按禘竈之占不

如子產梓慎之占不如昭子則知術士推以術不如士大夫推以理也

傳王室之不寧晉之恥也○趙汭補注曰傳見天下責望在晉文言徵會于諸侯期以明年見晉人怠于勤

王臣浩

按襄王之亂文公辭秦伯而自將以定王室

晉之所以霸也子朝之亂晉君及正卿不出徒以偏

師助之踰年未定乃始徵會諸侯蓋霸業既衰而大  
夫分國之勢成矣

傳與之東訾注鞏縣西南訾城是也○後漢郡國志河  
南尹鞏有東訾聚今名訾城注引此傳及杜預曰在  
縣西南是其明証監本作鞏在帝南訾城誤也今改  
正

傳王及圉陽而還疏倉與壽夢辭還歸於越也○辭監  
本訛作而今改正

傳遂滅巢及鍾離而還○趙汭補注曰巢即五年遠啟疆所城者本屬楚小國故得書滅劉氏曰巢伯爵國非楚邑

公孫于齊次于陽州齊侯唁公于野井○孫復曰次于陽州者不得入于齊也唁慰安之辭齊大國也不能討意如于魯國徒能唁昭公于野井齊侯之惡亦可見也

傳曰明年將納王○趙汭補注曰晉人徵會則曰明年



納王又曰明年傳見不惟怠且觀望矣

傳章為五聲疏聲之清濁入耳乃知○監本脫知字今  
添

傳以奉五味疏口欲嘗味目欲視色至服虔云三犧鴈  
鶩雉也一段○監本誤刊于為九文下今改正

傳為九文疏考工記云龍為騰躍之形句下○監本即  
接似獼猴而大也獼猴獼字是獼字之誤此不過點  
畫脫耳夫以神龍騰躍而擬其狀于獼猴何其不倫

也今細玩文勢山龍之下應有虎雖但虎易知不煩  
解說則此必言雖也按爾雅釋獸曰雖卬鼻而長尾  
郭璞曰似獼猴而大也則此句正引彼文且鄭注周  
禮司尊彝云雖禺屬卬鼻而長尾賈公彥疏亦引郭  
璞云似獼猴而大也則此為脫誤顯然今于龍為騰  
躍之形下添補雖爾雅云卬鼻而長尾郭璞云共十  
二字

傳吾聞文成之世童謠有之○

臣呂南

按各本俱作文

武之世非也史記魯世家及漢書五行志俱引此作文成之世史記集解引賈逵曰文成魯文公成公尤其明証賈即注左傳之一家也今改正

傳鵲之巢遠哉遙遙○臣照按五行志引此作遠哉

搖搖顏師古曰搖搖不安貌似較遙遙為勝蓋遠即遙也但謠或重疊其辭以見意亦未可定未敢據彼以改此

傳宋父以驕○父監本訛作公今改正

傳季氏介其雞疏然後以沙糝之○糝監本訛作糝今

改正

傳公使郈孫逆孟懿子○

臣呂南

按公不使人迎叔孫

昭子以昭子如闕未歸也使昭子在則司馬馯戾必不敢助季氏而孟氏亦必從公矣

傳十一月宋元公將為公故如晉○監本宋字下行一  
公字今刪

春秋左氏傳注疏卷五十一考證

謹按第二頁前七行疏且引詩斷章刊本監本毛  
本且訛其據宋本改

第四頁後八行疏恒依恃於晉諸本恒訛相據宋  
本改

第五頁後一行注不佞獻玉刊本玉訛王今改

第十二頁前五行疏因地之利諸本因訛分據宋  
本改

第十六頁前六行疏畫於旌旗刊本畫訛畫今改

前八行疏皆締以為繡諸本締訛希據宋本改

後三行疏火也二字諸本並脫據宋本增

第十八頁後二行注法地有高下諸本地訛則據

宋本改

第二十五頁前八行傳公執戈以懼之刊本執訛

使據宋本改

第二十六頁後一行疏釋例土地名刊本土訛士

今改



覆校官編修臣項家達

校對官檢討臣郭寅

謄錄監生臣馬嗣全

欽定四庫全書薈要

經部

左傳注疏卷五十二



詳校官原任侍講王燕緒



春秋左傳注疏卷五十二

起昭公二十六年  
年盡二十八年

晉杜氏注

唐陸德明音義

孔穎達疏

十有六年春王正月葬宋元公注三月而葬速

三月公至自齊居于鄆疏

正義曰往年公孫于齊齊侯  
唁公于野井公未必往至齊

都而云至自齊者得與齊侯相見雖從齊境而來亦是  
自齊也穀梁傳云公次于陽州其曰至自齊何也以齊  
侯之見公可以言至自齊是也公不得歸其國  
都而書至者賈云季氏示欲爲臣故以告廟

夏公圍成注成孟氏邑不書齊師帥賤衆少重在公音

義帥所類反

秋公會齊侯莒子邾子杞伯盟于鄆陵注鄆陵地闕音

義鄆音專又市轉反一音徒九反公至自會居于鄆注無傳

九月庚申楚子居卒注未同盟而赴以名

冬十月天王入于成周注傳言王入在子朝奔後經在

前者子朝來告晚疏正義曰二十三年七月天王居于狄泉自爾以來單子劉子夾以東

西雖不出王畿而居無定所此時始得入于成周遂以成周爲都來告故特書之案傳子朝奔楚及王入成周皆在十一月經書王入成周子朝奔楚皆在十月者從告也劉炫云杜以朝既奔楚王始得入入必在朝奔後

經書王入在前傳有告于諸侯之語故以爲王告入在前朝告奔在後故先書王入炫謂子朝出亦王告下注與此自違尹氏召伯毛伯以王子朝奔楚注召伯當言召氏

經誤也尹召族奔非一人故言氏書奔在王入下者王

入乃告諸侯疏

注正義曰傳言召伯盈逐王子朝朝及召氏之族奔楚召伯逆王子尸與王入

于成周則召氏族出奔召伯身不奔也知召伯當爲召氏經誤也宣十年崔氏出奔書崔氏者非其罪也此尹氏召氏立庶篡竝竝爲有罪而亦書氏者彼實崔杼身奔非是舉族盡出但於例諸侯之卿出奔者有罪則名無罪則不名崔杼不合書名因其來告以族遂書崔氏示杼無罪也此尹氏召氏舉族悉奔據實而書與彼有異故注云尹召族奔非一人故言氏所謂文同而意異也子朝奔王乃得入書奔在王入下者王入乃告諸侯

也劉炫云杜上注云子朝來告晚何爲此注又云王入乃告諸侯以二注不同將爲杜失今知不然者杜意王入乃告謂王入之後子朝乃告杜以傳云癸酉王入于成周癸未王入于莊宮始云王子朝使告諸侯是王入之後子朝告諸侯也劉以爲王入乃告據王告諸侯而規杜失非也

傳二十六年春王正月庚申齊侯取鄆注前年已取

鄆至是乃發傳者爲公處鄆起疏

注正義曰杜謂往年已取鄆此又發

傳言齊侯取鄆者爲下三月公處鄆以發端也服虔以爲往年齊侯取鄆實圍鄆耳經於圍書取傳實其事故事於是言取劉以服言爲是往年十二月庚辰圍鄆今年正月庚申取之凡三十一日例書取言易此圍乃取言易者齊侯取以居公臣無拒君之義若魯自與之然故書取以見其易穀梁曰以其爲公取之

故易言之是也

○葬宋元公如先君禮也注善宋人違命以

合禮○三月公至自齊處于鄆言魯地也注入魯竟

故書至猶在外故書地音義

境竟音

○夏齊侯將納公

命無受魯貨申豐從女賈注豐賈二人皆季氏家臣

音義女音汝

以幣錦二兩注二丈爲一端二端爲一兩

所謂匹也二兩二匹縛一如瑱注瑱充耳縛卷也急

卷使如充耳易懷蔽音義

縛直轉反瑱它殿反易以鼓反

疏注正義曰家語

云水至清則無魚人至察則無徒故人君冕而前旒所以蔽明黈纁塞耳所以蔽聽又詩云王之瑱也禮

以一條五采橫冕上兩頭下垂繫黃絲絲下又縣玉爲瑱以塞耳

適齊師謂子猶之

人高齟注齟子猶家臣子猶梁丘據音義

齟魚綺反

能貨

子猶爲高氏後粟五千庾注言若能爲我行貨於子

猶當爲請使得爲高氏後又當致粟五千庾庾十六

斗凡八千斛音義

庾羊主反能爲于僞反下當爲下云爲魯君同

疏正義曰

云十六斗曰筥十筥曰秉鄭玄云秉十六斛今江淮之間量名有爲筥者今文筥爲逾杜據儀禮今文故以庾爲十六斗五千庾凡八千斛考工記陶人爲庾實二穀厚半寸脣寸其下文旒人云豆實三而成穀則穀受斗二升庾實二穀則受二斗四升也彼陶人所作庾自瓦器今甕之類非量器也與此名同而實

異

高齟以錦示子猶子猶欲之齟曰魯人買之百兩

一布以道之不通先入幣財注言魯人買此甚多布

陳之以百兩爲數子猶受之言於齊侯曰羣臣不盡

力于魯君者非不能事君也注欲行其說故先示欲

盡力納魯君音義

說如字又始銳反

然據有異焉注異猶怪

也宋元公爲魯君如晉卒於曲棘叔孫昭子求納其

君無疾而死不知天之棄魯耶抑魯君有罪於鬼神

故及此也君若待于曲棘使羣臣從魯君以下焉注

卜知可伐否疏

正義曰宋公佐卒于曲棘者杜云曲棘宋地陳留外黃縣城中有曲棘里

今齊侯欲納魯君當是從齊向魯必不遠涉宋地子猶令齊君待于曲棘必使止於竟內土地名齊地無曲棘十年傳桓子名子山而反棘焉杜云齊國西安縣東有戟里亭此即彼棘也本無曲字涉上卒于曲棘誤加

若可師有濟也君而繼之茲無敵矣若其無

曲耳

成君無辱焉齊侯從之使公子鉏帥師從公注鉏齊

大夫音義

鉏仕居反

成大夫公孫朝謂平子曰有都以衛

國也請我受師許之注以成邑禦齊師音義

朝如請字

請

納質注恐見疑音義

質音致

弗許曰信女足矣告於齊



師曰孟氏魯之敝室也注做壞也音義

女音汝

用成已

甚弗能忍也請息肩于齊注公孫朝詐齊師言欲降

使來取成音義

降戶江反下同

齊師圍成成人伐齊師之飲

馬于溜者曰將以厭衆注以厭衆心不欲使知己降

也溜水出泰山梁父縣西北入汶音義

飲於鵠反溜側其反厭於

冉反又於葉反汶音問

魯成備而後告曰不勝衆注告齊言衆

不欲降已不能勝音義

勝音升注同又始證反

師及齊師戰于

炊鼻注季氏師拒公非公命則不書炊鼻魯地音義

炊昌垂反齊子淵捷從洩聲子注聲子魯大夫音義洩息列反

射之中楯瓦注瓦楯脊音義

射食亦反下及注皆同中丁仲反下中手同楯

常允反又音允脊子亦反繇胸汰轉七入者三寸注入楯瓦也胸

車輓轉車轅繇過也汰矢激七矢鏃也音義

繇音由胸其俱

反本又作輓同汰他達反輓陟留反七必履疏正義

反輓於草反激古狄反鏃子木反或七木反疏曰射

之中楯瓦先言中之之處更說矢來之狀繇車輓矢

激從車轅之上其矢之七鏃入著楯瓦者猶深三寸

言其弓力多而矢入深也注正義曰此覆說中楯之

事故知入者入楯瓦也說文云輓輓下曲者輓十四

年傳稱射兩輓而還此與彼同蓋胸輓字通用耳繇

卽由也訓爲從也從上而過故言繇過也宣四年傳

云伯勞射王汰翰注云汰過也此云汰矢激謂矢激汰其上而過也傳言匕入則匕是入楯者也今人猶謂箭鏃薄而長濶者爲匕是匕爲矢鏃也

聲子射其馬斬鞅殪注殪死也

音義

鞅於丈反殪音於計反

改駕人以爲駸戾也而助之注人

魯人也駸戾叔孫氏司馬子車曰齊人也注子車即

淵捷將擊子車子車射之殪其御曰又之注又欲使

射餘人子車曰衆可懼也而不可怒也子囊帶從野

洩叱之注囊帶齊大夫野洩即聲子音義

叱昌實反

洩曰

軍無私怒報乃私也將亢子注欲以公戰禦之不欲

私報其叱音義

亢苦浪反下同

又叱之注子囊復叱之音義

復扶又反

亦叱之注野洩亦叱也言齊無戰心但相

下復欲反

叱冉豎射陳武子中手注冉豎季氏臣失弓而罵注

武子罵音義

罵馬嫁反

以告平子曰有君子白皙鬢鬚眉

甚口音義

皙星曆反鬢之忍反黑也鬢本又作須脩于反

疏

正義曰說文云正義曰說文云鬢稠髮也鬢鬚

眉者言鬢眉皆稠多也甚口者謂大口也

平子曰必子彊也無乃亢諸注

子彊武子字對曰謂之君子何敢亢之注僞言不敢

違季氏林雍羞爲顏鳴右下注皆魯人羞爲右故下

車戰苑何忌取其耳注何忌齊大夫不欲殺雍但截

其耳以辱之音義

苑於阮反

顏鳴去之注其右見獲懼而

去之苑子之御曰視下顧注復欲使苑子擊其足苑

子刺林雍斷其足鑿而乘於他車以歸注鑿一足行

音義

刺芳弗反說文云擊也又父勿反又忿勿反斷丁管反鑿遣政反又音磬又苦頂反字林丘貞

反

疏正義曰說文云刺擊也字從刀以刀擊也今江南猶謂刀擊爲刺注正義曰既斷其足而云鑿

知鑿爲一足行也說文云鑿

金聲也蓋擊金爲聲亦名鑿

顏鳴三入齊師呼曰林

雍乘注言魯人皆致力于季氏不以私怨而相棄音

義呼火故反  
乘繩證反

○四月單子如晉告急五月戊午劉人

敗王城之師于尸氏注劉人劉蚩之屬王城子朝之

徒尸在鞏縣西南偃師城戊辰王城人劉人戰于施

谷劉師敗績注施谷周地○秋盟于鄆陵謀納公也

注齊侯謀○七月己巳劉子以王出注師敗懼而出

疏正義曰二十三年傳云六月庚寅單子劉子樊齊  
以王如劉蓋從劉而居狄泉自狄泉又居於劉今

爲子朝所逐蓋自劉而出也服虔云出成周也案二

十三年天王居于狄泉狄泉雖近成周成周不屬

也其傳云召伯奭南宮極以成周人戊尹二十四年

傳云王子朝用成周之寶珪于河是周常屬子朝之

驗也二十五年黃父之會趙簡子令諸侯之大夫云  
明年將納王納王者欲納之於成周耳若敬王先在  
成周無爲更須納之知此出者從劉  
出耳王既棄劉而去故王城人焚劉  
庚午次于渠注

渠周地王城人焚劉注燒劉子邑丙子王宿于褚氏

注洛陽縣南有褚氏亭音義

褚張呂反一音勅呂反

丁丑王次

于萑谷庚辰王入于胥靡辛巳王次于滑注萑谷胥

靡滑皆周地胥靡滑本鄭邑音義

萑音丸本又作萑古亂反疏注正

義曰王雖未有安居終亦不出畿內知此皆周地也  
襄十八年楚人伐鄭傳稱公子格率銳師侵費滑胥  
靡是本爲鄭邑  
今爲周邑也  
晉知躒趙鞅帥師納王使女寬守關

塞注女寬晉大夫關塞洛陽西南伊闕口也守之備

子朝音義

知音智蹠音歷女音汝本亦作汝塞素代反

○九月楚平王卒

令尹子常欲立子西注子西平王之長庶音義

長丁丈反

下文同

曰太子壬弱其母非適也注壬昭王也音義

適丁

歷反下文同

王子建實聘之子西長而好善立長則順建

善則治王順國治可不務乎子西怒曰是亂國而惡

君王也注言王子建聘之是章君王之惡音義

好呼報反

治直吏反下同

國有外援不可瀆也注外援秦也瀆侵也音



義侵武  
諫反

王有適嗣不可亂也敗親速讎注不立壬秦

將來討是速讎也亂嗣不祥我受其名注受惡名賂

吾以天下吾滋不從也注滋益也音義

賂音路疏正義曰賂

吾以天下使吾爲天子吾益不從也

楚國何爲必殺令尹令尹懼乃立

昭王冬十月丙申王起師于滑注起發也音義

滑于

八辛丑在郊注郊子朝邑遂次于尸十一月辛酉晉

師克鞏注知蹠趙鞅之師召伯盈逐王子朝注伯盈

本黨子朝晉師克鞏知子朝不成更逐之而逆敬王

王子朝及召氏之族毛伯得尹氏固南宮嚳奉周之

典籍以奔楚注尹召二族皆奔故稱氏重見尹固名

者爲後還見殺音義

重見上直用反下賢遍反爲于偽反下且爲反

陰忌奔

莒以叛注陰忌子朝黨莒周邑召伯逆王于尸及劉

子單子盟注召伯新還故盟遂軍圍澤次于隄上注

圍澤隄上皆周地音義

圍魚呂反隄音低或音啼

癸酉王入于成

周注成周今洛陽甲戌盟于襄宮注襄王之廟晉師

使成公般戍周而還注般晉大夫音義

般音班

十二月

癸未王入于莊宮注莊宮在王城王子朝使告于諸

侯曰昔武王克殷成王靖四方康王息民竝建母弟

以蕃屏周亦曰吾無專享文武之功注不敢專故建

母弟音義

蕃方元反亦作藩

疏

正義曰諸家本皆然服虔王肅竝注云文王受命武王伐

紂故云文武克殷下句云吾無專享文武之功則合文武是也杜無注諸本悉作武王克殷疑誤也今定

本亦作武

王克殷且爲後人之迷敗傾覆而溺入于難則振

救之至于夷王王愆于厥身注夷王厲王父也愆惡

疾也音義

覆芳服反溺乃歷反難乃旦反愆起虔反

疏

正義曰謚法安民好靜曰夷

諸

侯莫不竝走其望以祈王身至于厲王王心戾虐萬民弗忍居王于彘注不忍害王也厲王之末周人流

王于彘音義

彘直例反

疏

注正義曰周語云厲王虐國人

怒得衛巫使監諂者以告則殺之國莫敢言道路以目三年乃流王于彘劉炫案周本紀民相與叛厲王厲王出奔于彘周語又曰彘之亂宣王在召公之宮國人圍之召公知之乃以其子代宣王言代王則國人謂是宣王國語雖不言殺必殺之矣國人相與襲王王既奔免得王于而殺之若得厲王亦應不舍而杜云不忍害王未必然也當謂不忍者不能忍王之虐也今知不然者下云居王于彘是以禮居處厲王于彘又云諸侯釋位以間王政是憂念王政則不忍者是不忍害王也若其必欲殺王應云王奔于彘

劉以爲周語云周人欲殺王子召公以子代之則周人欲殺王子何肯不忍害王以爲不忍者不堪忍王惡案周語但云求王子不云求殺之是益橫周語之文而規杜過非也 諸侯釋位以間

王政注間猶與也去其位與治王之政事音義

間間 廁之

間注同一音如疏注正義曰周本紀云彘之亂宣王字與音預下同 宣王有

志而後效官注宣王厲王子彘之亂宣王尚少召公

虎取而長之效授也音義

效戶教反少詩照反下文同長丁文反下文同 疏

注正義曰周語云召公以其子代宣王宣王長而立之周本紀云共和十四年厲王死于彘太子靖長于

召公家二相乃共立之爲王是爲宣王是召公長之也共和之年官之政事皆決於二相宣王長而有志堪爲人主二相乃致其官政於王也效者致與之義故注云效授也至于幽王天不弔

周王昏不若用愆厥位注幽王宣王子若順也愆失

也攜王奸命諸侯替之而建王嗣用遷郊郕注攜王

幽王少子伯服也王嗣宜白也幽王后申姜生太子

宜白王幸褒姒生伯服欲立之而殺太子太子奔申

申伯與鄆及西戎伐周戰于戲幽王死諸侯廢伯服

而立宜曰是爲平王東遷邾郕音義

攜戶圭反奸音干下同替他計

反邦古洽反郿音辱  
鄩才陵反戲許宜反  
疏注正義曰鄭語稱夏之衰也  
王庭而言曰余褒之二君也夏后卜殺之與去之與  
止之莫吉卜請其殽而藏之吉乃布幣焉而策告之  
龍亡而殽在積而藏之及歷殷周莫之發也及厲王  
之末發而觀之殽流於庭不可除也王使婦人不幃  
而謀之化爲玄黿以入於王府之童妾未既亂而  
遭之既笄而孕當宣王而生不夫而有故懼而棄之  
時有童謡曰檠弧箕箒實亡周國於是宣王聞之乃  
有夫婦鬻是器者王使執而戮之夫婦方戮逃在路  
哀其夜號也而取之以逸逃於褒褒人有獄而以入  
於王王遂置之而嬖是女使至於后而生伯服周語  
云幽王伐有褒褒人以褒姒女焉褒姒有寵生伯服  
於是乎與號石父比逐太子宜臼而立伯服太子出  
奔申申人繒人召西戎以伐周周於是亡書傳多說  
其事此其本也詩序云幽王取申女以爲后後得褒

姒而黜申后周本紀云幽王太子母申侯女也而爲后王廢后并去太子用褒姒爲后以其子伯服爲太子申侯怒乃與繒西戎共殺幽王子驪山之下虜褒姒盡取周賂而去於是諸侯乃即申侯共立故幽王太子宜臼是爲平王東遷徙於洛邑辟戎寇也魯語云幽王滅于戲戲驪山之北水名也皇甫謐云今京兆新豐東二十里戲亭是也劉炫云如國語史記之文幽王止立伯服爲太子耳既虜褒姒必廢其子未立爲王而得呼爲攜王者或幽王死後褒姒之黨立之爲王也汲冢書紀年云平王奔西申而立伯盤以爲太子與幽王俱死于戲先是申侯魯侯及許文公立平王於申以本太子故稱天王幽王既死而虢公翰又立王子余臣於攜周二王竝立二十一年攜王爲晉文侯所殺以本非適故稱攜王東晉云案左傳攜王奸命舊說攜王爲伯服伯服古文作伯盤非攜王伯服立爲王積年諸侯始廢之而立平王其事或



當則是兄弟之能用力於王室也至于惠王天不靖

周生頹禍心施于叔帶惠襄辟難越去王都注惠王

平王六世孫頹惠王庶叔也莊十九年作亂惠王適

鄭襄王惠王子叔帶襄王弟僖二十四年叔帶作難

襄王處汜音義

頹徒回反施以豉反難乃旦反注同汜音凡疏注正義曰

王生桓王林林生莊王佗佗生僖王胡齊齊生惠王  
涼是六代也惠王生襄王鄭鄭生頃王巨巨生匡王  
班及定王瑜瑜生簡王夷夷生靈王泄

心心生景王貴貴生悼王猛及敬王匄

則有晉鄭咸

黜不端注黜去也晉文殺叔帶鄭厲殺子頹爲王室

去不端直之人音義

去起呂反下疏同爲于偽反

疏

正義曰諸本成或作減王肅云

咸皆也傳咸爲七經詩其傳詩有此句王羲之寫亦作咸杜本當然

以綏定王家則是

兄弟之能率先王之命也在定王六年秦人降妖注

定王襄王孫定王六年魯宣八年音義

妖本又作詛於驕反說文

云衣服詩謠草木之怪謂之妖

曰周其有頌王亦克能脩其職諸侯

服享二世共職注二世謂靈景音義

頌子斯反共音恭

王室

其有間王位諸侯不圖而受其亂災注間王位謂子

朝也今子朝以爲王猛受亂災謂楚也今子朝以爲

晉音義

間間側之間注及下以間先王并注同

疏

正義曰降者自上而下之言當時秦人有

此妖語若似自上而下神馮之然故云降妖也然自受其亂災以上皆是妖語至于靈王以下是子朝演說妖言謂子猛當間王位耳服享言諸侯服從獻國之所有至于靈王生而有顛

注靈王定王孫王甚神聖無惡於諸侯靈王景王克

終其世注景王靈王子今王室亂單旗劉狄剝亂天

下壹行不若注單旗穆公也劉狄劉蚩也壹專也音

義

剝和角反

謂先王何常之有注言先王無常法唯余心

所命其誰敢討之帥羣不弔之人注弔至也音義

如弔

字舊丁歷反注同以行亂于王室侵欲無厭規求無度貫瀆

鬼神注貫習也瀆易也音義

厭本又作厭於鹽反貫古患反易以豉反疏

正義曰俗本作規王王孫皆注云玩貪也元年傳曰翫歲而愒日杜云翫愒皆貪也則此言貪求無限度本或作規謬也慢棄刑法倍奸齊盟傲狠威儀矯誣先王晉

爲不道是攝是贊注攝持也贊佐也先王謂景王音

義傲五報反狠戶疏正義曰倍即背也違背奸犯齊

懇反矯居表反同之盟也案於時諸侯不有同

盟許立于朝單劉未嘗與朝結盟而復背之言單劉倍奸齊盟誣之注正義曰是攝言執持之使不傾危也是贊謂佐助之使得存立也故以攝為持贊為佐也杜以先王為景王則矯誣先王者當謂矯景之命

立猛耳知先王非先世之王者以言矯誣是矯詐誣罔據其人有語矯誣之猶今矯稱詔勅若先世之王去此以遠不得有立猛之事子朝何得稱矯誣之乎又傳云干景之命故杜以先王謂景王劉炫以爲先世之王而規杜氏非也

思肆其罔極注肆放也茲不穀震盪播

越竄在荆蠻注茲此也此不穀子朝自謂音義盪本又作

蕩徒黨反竄七亂反字林七斜反

未有攸底注底至也攸所也音義

底音音若我一二兄弟甥舅獎順天法無助狡猾以從

先王之命毋速天罰赦圖不穀注赦其憂而圖其難

音義

獎將丈反狡古卯反猾又作疏正義曰速召也滑于八反毋音無難乃旦反子朝以單劉為

亂從之必有天殃故  
勸諸侯無召天罰

則所願也敢盡布其腹心及先

王之經而諸侯實深圖之昔先王之命曰王后無適

則擇立長年鈞以德德鈞以下注此所謂先王之經

音義

適丁

疏

正義曰先王先世之王不斥一人蓋自  
古以來共如此也襄三十一年傳曰公

薨立胡女敬歸之子子野子野卒立敬歸之娣齊歸  
之子稠穆叔曰太子死有母弟則立之無則立長年  
鈞擇賢義鈞則卜古之道也非適嗣何必娣之子彼  
言太子死立母弟則此言擇立長謂無母弟者也彼  
又云子野非適嗣何必娣之子然則適嗣立而死當  
立娣之子也姪與娣同蓋王后夫人無姪娣之子乃  
於諸妾之子擇立長耳年鈞擇賢與此年鈞以德皆  
謂母之貴賤等者公羊傳曰立適以長不以賢立子

以貴不以長明母貴則先立也此子朝之母必賤於  
猛母故專言立長之義不言母之貴賤何休難年鈞  
以德之言云人君所賢下必從之焉能使王不立愛  
也鄭玄答云周禮小司寇掌外朝之政以致萬民而  
詢焉其三曰詢立君其位王南鄉三公及州長百姓  
北面羣臣西面羣吏東面小司寇以叙進而問焉如  
此則大衆之口非君所能掩是王不得立愛之法也

**王不立愛公卿無私古之**

**制也疏**

正義曰三公六卿無得私附王之庶子而妄  
立之其意言單劉有私情違古制也何休難

云大夫不世功而并爲公卿通繼嗣左氏爲短鄭玄  
云公卿之世有大功德先王命所不絕者何難既非  
鄭答亦謬

穆后及太子壽早夭即世注在十五年單劉贊

私立少以間先王注間錯先王之制亦唯伯仲叔季

圖之注伯仲叔季摠謂諸侯閔馬父聞子朝之辭曰  
文辭以行禮也子朝干景之命遠晉之大以專其志

無禮甚矣文辭何爲注傳終王室亂音義

遠于萬反

○齊

有彗星注出齊之分野不書魯不見音義

彗似歲反又息遂反

分扶疏

注正義曰傳言齊有此星而齊侯使禳之明問反疏出齊之分野出於玄枵之次也彗即孛也文

十四年有星孛入于北斗十七年有星孛于大辰彼皆書此不書者時魯不見或陰不見

齊侯使

禳之注祭以禳除之音義

禳如羊反

晏子曰無益也祇取

誣焉注誣欺也音義

祇音支

天道不惱注惱疑也音義



怕本又作  
酒他乃反

不貳其命若之何禳之且天之有彗也以

除穢也君無穢德又何禳焉若德之穢禳之何損詩

曰惟此文王小心翼翼昭事上帝聿懷多福厥德不

回以受方國注詩大雅翼翼共也聿惟也回違也言

文王德不違天人故四方之國歸往之音義

聿戶  
橘反疏

正義曰詩大雅大明之篇也惟此文王慎小其心翼翼然共慎也又能明事上天惟行上天之道思使自得  
得多福其德不有回邪以受  
四方之國言四方皆歸之  
君無違德方國將至何

患於彗詩曰我無所監夏后及商用亂之故民卒流

亡注逸詩也言追監夏商之亡皆以亂故音義

夏戶雅反

注同

若德回亂民將流亡祝史之爲無能補也公說乃

止齊侯與晏子坐于路寢公歎曰美哉室其誰有此

乎注景公自知德不能久有國故歎也音義

說音悅下注喜

說同

晏子曰敢問何謂也公曰吾以爲在德對曰如君

之言其陳氏乎陳氏雖無大德而有施於民豆區釜

鍾之數其取之公也薄注謂以公量收音義

施式豉反下出

者皆同區鳥侯反量音亮下同

其施之民也厚注謂以私量貸音義

施如字又  
始改反

公厚歛焉陳氏厚施焉民歸之矣詩曰雖

無德與女式歌且舞注詩小雅義取雖無大德要有

喜說之心欲歌舞之式用也音義

斂力驗反  
女音汝

疏正義  
曰詩

小雅車牽  
刺幽王也

陳氏之施民歌舞之矣後世若少惰陳氏

而不亡則國其國也已音義

情徒卧反本  
亦作情同

公曰善哉

是可若何對曰唯禮可以已之在禮家施不及國疏

正義曰大夫稱家家之所施不得施及國人言國人是國君之所有大夫不得妄施遺之以樹已私惠陳氏施及國人  
民不遷農不移工賈不變注守常業音是違禮也

義

工賈音古本亦作商賈

士不濫注不失職官不滔注滔慢也

音義

滔吐刀反慢武諫反本亦作漫武半反

大夫不收公利注不作福

疏

正義曰尚書洪範曰惟辟作福惟辟作威臣無有作福作威臣之有作福作威其害于而家凶于而

國是言作福作威君之利也大夫不得自收公利自作福也陳氏作福以招國人之心施民作福是收公

利也公曰善哉我不能矣吾今而後知禮之可以為國

也對曰禮之可以為國也久矣與天地並注有天地

則禮義興疏

正義曰天地人民莫知其始但人稟陰陽之氣生於天地之間天地既形人民

必育易序卦曰有天地然後有萬物有萬物然後有男女有男女然後有夫婦有夫婦然後有父子有父

子然後有君臣有君臣然後有上下有上下然後禮  
義有所錯是言有天地即有人民有人民即有父子  
君臣父子相愛君臣相敬敬  
愛爲禮之本是與天地並興

君令臣恭父慈子孝兄

愛弟敬夫和妻柔姑慈婦聽禮也君令而不違臣共  
而不貳父慈而教子孝而箴注箴諫也音義共音恭下同箴

之林反 兄愛而友弟敬而順夫和而義妻柔而正姑慈

而從注從不自專婦聽而婉注婉順也音義婉於禮阮反

之善物也公曰善哉寡人今而後聞此禮之上也對

曰先王所稟於天地以爲其民也是以先王上之注

稟受也 疏

正義曰先古聖王所治理人民者爲受陰陽之氣生於天地之中以有上下之禮乃

可治其天下又禮與天地同貴是以先王上之

經二十有七年春公如齊注自鄆行音義

鄆音運

公至自

齊居于鄆

夏四月吳弑其君僚注僚亟戰民罷又伐楚喪故光乘

閒而動稱國以弑罪在僚音義

弑申志反注同僚力彫反亟欺冀反罷音皮

疏

注正義曰杜數僚之罪以示無道之驗僚以十六年即位十七年與楚戰于長岸二十三年伐州來敗楚

于雞父其年又使大子諸樊入郢二十四年滅巢及鍾離此年又因楚喪而伐之是其亟戰民罷又伐楚喪故

光得乘間而動稱國以弑罪在僚也言舉國皆欲弑之非獨光之罪故不書光弑

楚殺其大夫卻宛注無極楚之讒人宛所明知而信近

之以取敗亡故書名罪宛音義殺死察反卻去逆反宛於阮反又於元反近附

近之疏正義曰文七年宋殺其大夫傅曰不稱名非其罪也死者無罪則不稱其名是稱名者皆爲有

罪矣此卻宛書名故杜跡其爲罪之狀書名所以罪宛也

秋晉士鞅宋樂祁犁衛北宮喜曹人邾人滕人會于扈

音義祁力兮反又力之反扈音戶

冬十月曹伯午卒注無傳未同盟而赴以名音義午音五

邾快來奔注無傳快邾命卿也故書音義

快苦疏注正怪反義曰

邾是小國其臣見於經者甚少唯此與襄二十三年邾  
畀我來奔書者二人而已釋例曰魯之叔孫父兄再命  
而書於經晉之司空亞旅一命而經不書推此知諸侯  
大夫再命以上皆書於經自一命以下大夫及士經皆  
稱人名氏不得見此皆典策之正文也小國之卿或命  
而禮儀不備或未加命數故不書之邾畀我之等其奔  
亡亦多所書也數人而已知其合制者少杜言數人謂  
此快與畀我及曹公孫會也是言快是邾之命卿備於  
禮成爲卿故書也快不書  
氏蓋未賜族無可稱也

公如齊注自鄆行公至自齊居于鄆注無傳

傳二十七年春公如齊公至自齊處于鄆言在外也



注在外邑故書地○吳子欲因楚喪而伐之注前年

楚平王卒使公子掩餘公子燭庸帥師圍潛注二子

皆王僚母弟潛楚邑在廬江六縣西南音義掩於檢反疏

注正義曰賈逵云然當是相傳說耳未必有正文也

三十年傳此二公子奔楚楚子大封而定其邊子西

諫曰吳光新得國若好吾邊疆使柔服焉猶懼其至

吾又疆其讎以重怒之無乃不可乎謂此二子爲光

之讎或當是僚母弟也使延州來季子聘于上國注季子本封

延陵後復封州來故曰延州來音義

復扶疏正義曰又反服虔云

上國中國也蓋以吳辟在東南地勢卑下中國在其

上流故謂中國爲上國也下云遂聘于晉則上國之

左傳注疏

言不包晉矣當總謂宋衛陳鄭之徒爲上國耳亦不知其時聘幾國也經不書未必不至魯檀弓云延陵季子適齊於其反也其長子死葬於贏博之間鄭玄云魯昭二十七年吳公子札聘於上國是也如鄭之言此時或聘齊也注正義曰襄三十一年注云延州來季札邑此又分析之言本封延陵後復封州來故曰延州來成七年吳入州來注云楚邑淮南下蔡縣是也十三年吳滅州來二十三年傳云吳伐州來楚遂越救之則州來未爲吳有不可以封札也釋例土地名延州來闕則延陵州來並闕不知其處杜意當謂吳地別有州來非楚邑也鄭玄云季子讓國居延陵因號焉襄二十九年公羊傳曰季子去之延陵終身不入吳國然則季子雖則讓國猶尚仕爲吳卿非自竄於彼地吳世家云季札封于延陵故號曰延陵季子杜言封是也封

遂聘于晉以觀諸侯注觀疆弱謂賜之爲采邑耳

楚莠尹然工尹麋帥師救潛注二尹楚官然麋其名

音義

莠由九反麋九倫反

疏

注正義曰楚官多以尹爲名知二尹是官名耳其莠王之義不可知

也服虔云王尹主宮內之政莠不可解王未必然定本王作工

左司馬沈尹戌帥都

君子與王馬之屬以濟師注都君子在都邑之士有

復除者王馬之屬王之養馬官屬校人也濟益也音

義

戊音恤復音疏

注正義曰都謂國都在都君子明是在都邑之士也都邑之士以君

子爲號故知是有復除者謂優復其身除其徭役賈遠云然今之律令猶名放課役者爲復除是漢世以來有此言也此人或別有功勞或曲蒙恩澤平常免其徭役事急乃使之耳周禮校人掌養馬知王馬之

屬是王之養馬之官屬也。校人職云：凡頒良馬而養乘之，乘馬一師，四圍三乘爲阜，阜一趣馬，三阜爲繫，繫一馭夫，六繫爲廐，廐一僕夫，六廐成校。校有左右，駕馬三良馬之數，麗馬一圍，八麗一師，八師一趣馬，八趣馬一馭夫。諸侯六閑，養馬之人多矣。此唯養馬不給餘役，今亦事急而徵使之。

於窮令尹子常以舟師及沙汭而還，注沙水名音義。

汭如疏，正義曰：窮土地名窮闕也。本或窮下有谷字，銳反。疏者爲定七年傳，敗尹氏于窮谷，涉彼而誤耳。

左尹卻宛工尹壽帥師至于潛，吳師不能退，注楚師。

疆故吳不得退去。吳公子光曰：此時也，弗可失也。注。

欲因其師徒在外國不堪役，以弑王音義。弑申志反，下文同。

告鱄設諸曰上國有言曰不索何獲我王嗣也吾欲

求之注光吳王諸樊子也故曰我王嗣音義

鱄音專上國賈

云上國與中國同服云

疏

正義曰賈逵云上國中國也服虔云上國謂上古之

上古國也索所白反

國賢士所言也此猶如上文聘于上國則賈言是也

注正義曰吳世家云吳王壽夢有子四人長曰諸樊

次曰餘祭次曰餘昧次曰季札季札賢而壽夢欲立

之季札讓不可乃立諸樊諸樊卒有命授弟餘祭欲

傳以次必致國於札兄弟皆欲致國今以漸至焉餘

祭卒弟餘昧立餘昧卒欲授季札札讓逃去於是吳

人曰先王有命必致季子今逃位則餘昧後立今卒

其子當代乃立餘昧之子僚爲王公子光者王諸樊

之子也常以爲吾父兄弟四人當傳至季子季子不

受光父先立若既不傳季子光當立遂殺王僚光代

立爲王是史記以光爲諸樊之子僚爲夷昧之子也  
襄二十九年公羊傳曰謁也餘祭也夷昧也與季子  
同母者四季子弱而才兄弟皆愛之同欲立之以爲  
君弟兄迭爲君而致國乎季子故謁也死餘祭也立  
餘祭也死夷昧也立夷昧也死則國宜之季子者也  
季子使而亡焉僚者長庶也即之闔閭曰將從先君  
之命與則國宜之季子者也如不從先君之命與則  
我宜立者也僚惡得爲君乎於是使專諸刺僚世本  
云夷昧及僚夷昧生光服虔云夷昧生光而廢之僚  
者夷昧之庶兄夷昧卒僚代立故光曰我王嗣也是  
用公羊爲說也杜言光吳王諸樊子用史記爲說也  
班固云司馬遷采世本爲史記而今之世本與遷言  
不同世本多誤不足依憑故杜以史記爲  
正也光言王嗣者言己是世適之長孫也

子雖至不吾廢也注至謂聘還鮒設諸曰王可弑也

事若克季

母老子弱是無若我何注猶言我無若是何欲以老

弱託光疏

注正義曰古人言有顛倒故杜以為是無若我何猶言我無若是何恐已死之後不

能存立欲以老弱託光也彭仲博云當言是無我若何我母無我當如何我字當在若上

光曰我

爾身也注言我身猶爾身夏四月光伏甲於堀室而

享王注掘地爲室音義

堀本又作窟同苦忽反掘其勿反又其月反

王使

甲坐於道及其門注坐道邊至光門門階戶席皆王

親也夾之以鉞羞者獻體改服於門外注羞進食也

獻體解衣音義

夾古洽反又古協反下同鉞善皮反說文云劒也

疏正義曰言從門

至階從階至戶從戶至席皆是王之親  
兵也說文云鉞劍也則鉞是劍之別名  
執羞者坐行

而入注坐行膝行執鉞者夾承之注承執羞者及體

以相授也注鉞及進羞者體以所食授王疏  
正義曰鉞之鋒

刃及進羞者體也王之左右必更有人受羞以  
進王故言相授也雖則相授進羞者得至王所  
光僞

足疾入于堀室注恐難作王黨殺已素辟之音義  
乃難

旦鱠設諸寘劍於魚中以進注全魚炙音義  
寘之豉反炙章

夜疏注正義曰吳世家云鱠諸置匕首於炙魚之中  
反疏以進食手匕首刺王僚匕首者劍首如匕起手

匕首謂執  
七首也抽劍刺王鉞交於胃注交鱣諸胃音義  
抽



雷反刺遂弑王闔廬以其子爲卿注闔廬光也以縛  
七亦反

諸子爲卿音義

闔戶  
臘反

季子至曰苟先君無廢祀民人

無廢主社稷有奉國家無傾乃吾君也吾誰敢怨哀  
死事生以待天命非我生亂立者從之先人之道也

注吳自諸樊以下兄弟相傳而不立適是亂由先人  
起也季子自知力不能討光故云爾音義傳直專反  
適丁歷反

復命哭墓注復使命於僚墓音義

使所  
吏反

復位而待注

復本位待光命吳公子掩餘奔徐公子燭庸奔鍾吾

注鍾吾小國楚師聞吳亂而還注言聞吳亂明卻宛

不取賂而還○卻宛直而和國人說之注以直事君

以和接類音義說音悅駟將師為右領注右領官名音

義駟於晚反又烏戶反與費無極比而惡之注惡卻宛音義費扶

味反比毗志反惡烏路反注同令尹子常賄而信讒無極諧卻宛焉

謂子常曰子惡欲飲子酒注子惡卻宛音義賄乎罪反諧側

鳩反飲於鳩反又謂子惡令尹欲飲酒於子氏子惡曰我賤

人也不足以辱令尹令尹將必來辱為惠已甚吾無

以酬之若何注酬報獻無極曰令尹好甲兵子出之

吾擇焉注擇取以進子常音義

好呼報反

取五甲五兵曰

寘諸門令尹至必觀之而從以酬之注曰無極辭疏

正義曰周禮司右云凡國之勇力之士能用五兵者屬焉鄭引司馬法曰弓矢圍及矛守戈戟助凡五兵長以衛短短以救長然則弓矢及矛戈戟五者皆名爲兵此云五兵當是一種器耳不知取何兵也服虔云兵及饗日帷諸門左注張帷陳甲兵其中無極謂戰也

令尹曰吾幾禍子子惡將爲子不利甲在門矣子必

無往且此役也注此春救潛之役音義

幾音祈

吳可以

得志子惡取賂焉而還又誤羣帥使退其師曰乘亂  
不祥吳乘我喪我乘其亂不亦可乎令尹使視卻宛  
則有甲焉不往召鄢將師而告之注告子惡門有甲

兵將害已將師退遂令攻卻氏且燕之注燕燒也音

義燕如子惡聞之遂自殺也國人弗燕令曰不燕卻

悅反

氏與之同罪或取一編管焉或取一秉秆焉注編管

苦也秉把也秆橐也音義編必然反又必千反管古

顏反秆古但反說文云禾

莖也或古旦反苦式占反李巡云編管  
茅以覆屋曰苦把必馬反橐古老反  
疏注正義曰  
釋草云白

華野管郭璞曰管茅屬釋器云白蓋謂之苫李巡曰編管以覆屋曰苫郭璞云白茅苫也是編管爲苫也秉把詩毛傳文也說文云秆禾莖也是爲橐也或取一片苫或取一把橐言民不肯燒之

國人投

之遂弗蕪也令尹炮之注炮燔卻宛音義

炮陟交反又彭交反

燔音疏

正義曰國人投之謂投管秆於地故遂不燒也令尹炮之一句是鄢將師令衆之辭服虔

云民弗肯蕪也鄢將師稱令尹使女燔炮之燔炮蕪皆是燒也

盡滅郤氏之族黨殺

陽令終與其弟完及佗注令終陽句子音義

佗徒何反句古

害與晉陳及其子弟注晉陳楚大夫皆卻氏之黨晉

陳之族呼於國曰鄢氏費氏自以爲王專禍楚國弱

寡王室蒙王與令尹以自利也注蒙欺也音義

呼火故反

令尹盡信之矣國將如何令尹病之注爲下殺無極

張本○秋會于扈令成周且謀納公也宋衛皆利納

公固請之范獻子取貨於季孫謂司城子梁與北宮

貞子注子梁宋樂祁也貞子衛北宮喜曰季孫未知

其罪而君伐之請囚請亡於是乎不獲君又弗克而

自出也夫豈無備而能出君乎季氏之復天救之也

注復猶安也休公徒之怒注休息也而啓叔孫氏之

心不然豈其伐人而說甲執冰以游叔孫氏懼禍之

濫而自同於季氏天之道也音義

說他

疏

正義曰言季氏無罪

而公濫討之叔孫氏亦懼禍濫及於已而自同心於季氏俱叛公此乃天之常道也

魯君守齊

三年而無成季氏甚得其民淮夷與之注淮夷魯東

夷有十年之備有齊楚之援注公雖在齊言齊不致

力有天之贊有民之助有堅守之心有列國之權而

弗敢宣也注宣用也音義

守手又反

事君如在國注書公

行告公至是也故鞅以爲難二子皆圖國者也而欲

納魯君鞅之願也請從二子以圍魯無成死之二子

懼皆辭乃辭小國而以難復注以難納白晉君○孟

懿子陽虎伐鄆注陽虎季氏家臣伐鄆欲奪公疏正義

曰伐鄆欲奪公鄆使公不得居也不書者鄆人將戰

伐公逆事不可以告廟國史無由得書

子家子曰天命不惱久矣注惱疑也言棄君不疑音

義惱他使君亡者必此衆也注言君據鄆衆以與魯

刀反

戰必敗之天既禍之而自福也不亦難乎猶有鬼神

此必敗也疏正義曰言尚有鬼神以助君嗚呼爲無

此戰必當敗也况無鬼神乎



望也夫其死於此乎公使子家子如晉公徒敗于且

知注且知近鄆地也音義

夫音扶且于餘反近附近之近

○楚郤宛

之難國言未已進胙者莫不謗令尹注進胙國中祭

祀也謗詛也音義

難乃旦反年末同胙才故反詛側慮反

沈尹戌言於

子常曰夫左尹與中廐尹莫知其罪而子殺之以興

謗讟至于今不已注左尹卻宛也中廐尹陽令終音

義

廐九又反  
讟音獨

戌也惑之仁者殺人以掩謗猶弗爲也

今吾子殺人以興謗而弗圖不亦異乎夫無極楚之

讓人也民莫不知去朝吳注在十五年音義

去起呂反朝如

字下朝

夕同

出蔡侯朱注在二十一年喪太子建殺連尹

奢注在二十年音義

喪息浪反

屏王之耳目使不聰明不

然平王之溫惠共儉有過成莊無不及焉所以不獲

諸侯邇無極也注邇近也音義

近附近之近

今又殺三不

辜以興大謗注三不辜郤氏陽氏晉陳氏綏及子矣

子而不圖將焉用之夫馭將師矯子之命以滅三族

國之良也而不愆位注在位無愆過音義

幾音祁又音機焉於

虔反矯居表疏正義曰今尹召鄢將師告之以卻宛  
反愆起虔反門有甲耳不令攻卻宛也鄢將師退  
而令衆使攻之  
是矯令尹命也  
吳新有君注光新立也疆場日駭楚

國若有大事子其危哉知者除讒以自安也今子愛  
讒以自危也甚矣其惑也子常曰是瓦之罪敢不良  
圖九月己未子常殺費無極與鄢將師盡滅其族以  
說于國謗言乃止音義疆居良反場音亦知音智○冬公如齊齊  
侯請饗之注設饗禮子家子曰朝夕立於其朝又何  
饗焉其飲酒也乃飲酒使宰獻而請安注比公於大

夫也禮君不敵臣宴大夫使宰爲主獻獻爵也請安

齊侯請自安不在坐也音義

生才疏正義曰禮爲諸  
侯相爲賓主國

待之有享食燕三禮享爲大鄭玄云享謂享大宰以  
飲賓是爲禮之大者子家以公雖居鄆以齊爲主此  
年已再如齊數相見不爲賓客故言朝夕立於其朝  
又何須設饗禮焉其飲酒也勸其用宴禮而飲酒耳  
注正義曰燕禮者公燕大夫之禮也公雖親在而別  
有主人鄭玄云主人宰夫也宰夫大宰之屬掌賓客  
之獻飲食者也君於其臣雖爲賓不親獻以其尊莫  
敢抗禮也今齊侯與公飲酒而使宰獻是比公於大  
夫也獻獻爵者禮有三酌獻也酬也酢也獻酬是主  
人獻賓唯酢是賓答主人耳禮君不敵臣宴大夫使  
宰爲主即燕禮是其事也杜以宰獻而請安爲齊侯  
請自安於別室不在坐也劉炫云案燕禮司正洗角

解南面坐奠於中庭升東楹之東受命西階上北面  
命卿大夫君曰以我安卿大夫皆對曰諾敢不安彼  
是請賓使自安當如彼使宰請魯侯自安耳主人請  
安謂主人使司正請安于賓服處亦然杜今云齊侯  
請自安非也今知不然者案卿飲酒禮賓主相敵主  
人亦請安于賓然則齊侯與公敵禮安賓乃是常事  
何須傳載其文以爲卑公之義明是齊侯請欲自安  
不在其坐明慢公之甚劉不審思此理用燕禮請安  
之義而規  
杜非也  
子仲之子曰重爲齊侯夫人曰請使重見

注子仲魯公子慙也十二年謀逐季氏不能而奔齊

今行飲酒禮而欲使重見從宴媾也音義

曰重直勇反又直恭

反見賢遍反注同慙  
魚覲反媾息列反

子家子乃以君出注辟齊夫人

○十二月晉籍秦致諸侯之戍于周魯人辭以難注  
經所以不書戍周籍秦籍談子

經二十有八年春王三月葬曹悼公注無傳六月而葬  
緩

公如晉次于乾侯注乾侯在魏郡斥丘縣晉竟內邑音

義斥音尺一音昌夜  
反竟音境傳同

夏四月丙戌鄭伯寧卒注無傳未同盟而赴以名

六月葬鄭定公注無傳三月而葬速

秋七月癸巳滕子寧卒注無傳未同盟而赴以名

冬葬滕悼公注無傳

傳二十八年春公如晉將如乾侯注齊侯卑公故適

晉子家子曰有求於人而即其安人孰矜之其造於

竟注欲使次于竟以待命音義造七報反弗聽使請逆於

晉晉人曰天禍魯國君淹恤在外君亦不使一个辱

在寡人注一个单使音義个古賀反注同单使所吏反而即安於

甥舅其亦使逆君注言自使齊逆君使公復于竟而

後逆之注逆著乾侯也言公不能用于家所以見辱

音義

著中略反一音直略反

○晉祁勝與鄔臧通室注二子祁

盈家臣也通室易妻音義

祁巨支反字林云太原縣上尸反鄔舊音烏戶反又

音偃案地名在周者烏戶反隱十一年王取鄔留是也在鄭者音偃成十六年戰于鄔陵是也在楚者於建反又音偃昭十三年王汧夏將入鄔是也在晉者於庶反字林云祛反郭璞三倉解詁音廢於庶反闕駟音厭飫之飫重言之太原有鄔縣唯周地者從鄔餘皆從馬字林亦作鄔音同傳云分祁氏之田以為七縣司馬彌年爲鄔大夫即太原縣也鄔臧宜以邑爲氏於爰反舊音誤

祁盈將執之注

盈祁午之子訪於司馬叔游注叔游司馬叔侯之子



叔游曰鄭書有之惡直醜正實蕃有徒注鄭書古書

名也言害正直者實多徒衆音義

惡如字又烏路反蕃音煩

疏正義

曰以直爲惡以正爲醜惡直事醜正道如此人者實蕃多有徒衆言時世慕善者少從惡者多

無道

立矣子懼不免注言世亂讒勝詩曰民之多辟無自

立辟注詩大雅音義

多辟本又作僻匹亦反立辟婢亦反

疏正義曰詩大雅板之

篇刺厲王之詩辟邪也辟法也民之多有邪辟者於此之時無自謂所立者為法是言無道之世法不可為古辟辟字

同音異耳 姑已若何注姑且也已止也盈曰祁氏

私有討國何有焉注言討家臣無與國事音義

無與音預

遂執之祁勝賂荀躒爲之言於晉侯晉侯執祁盈注

以其專戮音義

爲于  
偽反

祁盈之臣曰鈞將皆死注鈞同

也疏

正義曰鈞同也殺勝與臧盈亦死不殺盈亦死同將皆死不如殺之使盈聞而快意

愨使

吾君聞勝與臧之死也以為快注愨發語之音音義

愨魚  
覲反

乃殺之夏六月晉殺祁盈及楊食我注楊叔向

邑食我叔向子伯石也音義

食音嗣向  
許丈反

食我祁盈之

黨也而助亂故殺之遂滅祁氏羊舌氏初叔向欲娶

於申公巫臣氏注夏姬女也音義

娶七主反夏  
戶雅反注同

其母

欲娶其黨叔向曰吾母多而庶鮮吾懲舅氏矣注言

父多妾媵而庶子鮮少嫌母氏性不曠音義

鮮息淺反注同

懲直升反媵繩

正義曰言父多妾媵而謂之母多

證反又時證反

者意言庶弟少據庶弟而發言故

謂父妾

爲母耳其母曰子靈之妻殺三夫注子靈巫臣妻夏

姬也三夫陳御叔楚衰老及巫臣也時巫臣已死疏

正義曰三夫皆自命盡而死其死不由夏姬而云殺

三夫者婦之配夫欲其偕老其夫數死是妻之薄相

故以爲夏

一君注陳靈公一子注夏徵舒而亡一國

姬之咎

注陳也兩卿矣注孔寧儀行父疏

正義曰一君一子蒙上殺文兩卿亦

蒙上文也以兩卿棄位出奔身不死故爲亡也此事皆宣十年十一年傳

可無懲乎吾聞

之甚美必有甚惡是鄭穆少妃姚子之子子貉之妹

也注子貉鄭靈公夷音義

少詩照反

疏

正義曰物忌大盛善不可

常暑往寒來晝明夜暗孰能爲此者天地天地尚不能常况人乎故甚美必有甚惡也甚美謂夏姬之身甚惡當在其後言其種

片當惡故禁其子取之

子貉早死無後而天鍾美於

是注是夏姬也鍾聚也子貉死在宣四年疏

正義曰此因鄭

靈早夭而夏姬美推之爲此言耳不是兄早死而妹必美也猶今俗語云衰家女未必慧慧家女未必衰

將必以是大有敗也疏

正義曰夏姬淫厲喪國滅家叔向之母猶謂未得大敗故

言將必以是大有敗也十四年傳稱施邢侯者或是夏姬之男比殺楊食我又是夏姬之外孫其種類蓋盡矣昔有仍氏生女黥黑注有仍古諸侯也美髮爲黥

**音義**

黥之忍反說文作黔又作鬢云稠髮也

**疏**

正義曰黥即鬢也詩云鬢髮如雲毛傳云鬢黑

髮也如雲言美長也說文云鬢稠髮也然則鬢者髮多長而黑美之額也此傳黥下有黑則黥文不兼於黑故賈杜皆云美髮爲黥而甚美光可以鑑注髮膚光色可以照

**人音義**

鑑古暫反鏡也疏注正義曰傳於黥黑甚美之下乃云光可以鑑知髮與肌膚二者光

色皆可  
以照人

名曰玄妻注以髮黑故樂正后夔取之注夔

舜典樂之君長音義

夔求龜反取如疏注正義曰尚字又七佳反書舜典云帝

曰夔命汝典樂教胄子是夔為舜之典樂官也正長也后君也故云典樂之君長王朝公卿故以后言之猶謂為生伯封實有豕心貪惓無饜忽類無期謂之

封豕注類戾也封大也音義

長丁文反惓力耿反方言云楚人謂貪為惓饜

亦作厭於鹽反類本又

疏

正義曰豕心言其心似猪貪而無恥也方言云晉魏

河內之北謂惓為殘楚謂之貪則惓亦貪也賈逵云

惓者食也其人貪者財利飲食無知饜足忽怒狼戾

無有期度時人謂之大猪注正義曰以類忽共文則

類亦似忽故以為戾言狼戾也定四年傳封豕與長

蛇相對知封為大也服虔云忽

怒其類以饜其私無期度也

有窮后羿滅之夔是

以不祀注羿篡夏后者音義

羿音藝篡初患反

且三代之亡

共子之廢皆是物也注夏以妹喜殷以妲己周以褒

姒三代所由亡也共子晉申生以驪姬廢音義

共音恭本

亦作恭妹喜本或作嬉音同國語云桀伐有施有施氏以妹喜女焉韋昭注漢書云嬉姓也妲己丁達反

下音紀國語云有蘇氏之女也韋昭云己姓也褒如音似寵蘇所生褒人所養者也毛詩云如姓也鄭箋

云如字也驪姬本又作麗同力知反獻公伐驪戎所得而以爲夫人穀梁傳云滅豸所得莊子云艾封人

之疏注正義曰晉語云史蘇曰昔夏桀伐有施氏有子施氏以妹嬉女焉妹嬉有寵於是與伊尹比而

亡夏殷辛伐有蘇氏有蘇以妲己女焉妲己有寵於是與膠鬲比而亡殷周幽王伐有褒有褒人以褒姒

女焉褒姒有寵生伯服於是與虢石甫比逐太子宜咎而立伯服太子奔申申人繒人召西戎以伐周周

於是乎亡是三代所由亡之事也共子之事具見於傳

女何以爲哉夫有尤物

足以移人苟非德義則必有禍注尤異也音義

女音汝

疏正義曰苟誠也誠不以

正義自持則必有禍

叔向懼不敢取平公強使

取之生伯石伯石始生子容之母走謁諸姑注子容

母叔向嫂伯華妻也姑叔向母音義

敢取七住反又如字強其丈反

嫂素早反兄妻也依字宜如此

曰長叔姒生男注兄弟之妻相謂姒

音義

長丁疏注正義曰相謂者幼者謂長爲姒也子

次之其餘諸弟皆小於叔向也故謂叔向爲長叔叔向之妻其年長於子容之母故稱長叔姒也釋親云



女子同出謂先生爲妯後生爲娣孫炎曰同出俱嫁  
事一夫也公羊傳曰娣者何弟也此其義也是言其  
事一夫者長爲妯幼爲娣自以身之長幼生娣妯之  
名其娣妯之名不由夫之長幼也釋親又云長婦謂  
稚婦爲娣婦娣謂長婦爲妯婦自以身之長稚相  
謂也喪服小功章云娣妯報傳曰娣妯者弟長  
也傳言弟長者雙訓娣妯言娣是弟妯是長也鄭玄  
云娣妯者兄弟之妻相名也長婦謂稚婦爲娣婦  
婦謂長婦爲妯婦亦取爾雅之文以  
解弟長之義是以身之長幼明矣

其聲而還曰是豺狼之聲也狼子野心非是莫喪羊

舌氏矣遂弗視音義

豺本作豺同仕  
皆反喪息浪反

○秋晉韓宣子

卒魏獻子爲政注獻子魏舒分祁氏之田以爲七縣

注七縣鄔祁平陵梗陽塗水馬首孟也音義

梗古杏反孟音

于下文同

分羊舌氏之田以爲三縣注銅鞮平陽楊氏音

義

鞮丁兮反

司馬彌牟爲鄔大夫注太原鄔縣賈辛爲祁

大夫注太原祁縣司馬烏爲平陵大夫魏戊爲梗陽

大夫注戊魏舒庶子梗陽在太原晉陽縣南音義

戊音

知徐吾爲塗水大夫注徐吾知盈孫塗水太原榆

次縣音義

知音智次資利反又如字

韓固爲馬首大夫注固韓起

孫孟丙爲孟大夫注太原孟縣樂霄爲銅鞮大夫注

上黨銅鞮縣趙朝爲平陽大夫注朝趙勝曾孫平陽

平陽縣音義

朝如字

僚安爲楊氏大夫注平陽楊氏縣

疏

正義曰此祁氏與羊舌氏之田舊是私家采邑二族既滅其田歸公分爲十縣爲公邑故選置大夫

也

傳云先祁後羊舌故依下文選置大夫之次上七

縣爲祁氏之田下三縣爲羊舌氏之田且五年傳謂

伯石爲楊石明楊氏是羊舌之田也家語與史記皆

謂羊舌赤爲銅鞮伯華是銅鞮亦羊舌邑也平陽之

次在銅鞮楊氏之謂賈辛司馬烏爲有力於王室注

間知亦羊舌邑也

二十二年辛烏帥帥納敬王疏

注正義曰二十二年傳曰晉籍談荀躒賈

辛司馬督帥師軍于陰于侯氏于賂泉次于社賈辛軍賂泉司馬督次于社督即烏也此衆軍竝爲伐子

朝欲納敬王故舉之謂知徐吾趙朝韓固魏戊餘子之不

失職能守業者也注卿之庶子爲餘子疏

注正義曰宣二年傳

云宦卿之適以爲公族又官其餘子亦爲餘子其庶子爲公行注云餘子適子之母弟也庶子妾子也彼適庶分爲三等故餘子與庶子爲異此無所對故總謂庶子爲餘子也此四人之內當有妻生妾生者也知徐吾韓固是卿之孫也趙朝卿之曾孫也而竝稱餘子者言其父祖是餘子就餘子子孫之內選其賢者而用之此四人不失常其四人者皆受縣而後見職能守其父祖之業也

於魏子以賢舉也注四人司馬彌牟孟丙樂霄僚安

也受縣而後見言采衆而舉不以私也音義

見賢遍反注及

下見魏子並同魏子謂成鮪注鮪晉大夫音義鮪音郭又市轉反又音附

吾與戊也縣人其以我爲黨乎對曰何也戊之爲人

也遠不忘君注遠疏遠也近不偏同注不偏同位音

義偏彼力反居利思義注不苟得在約思純注無濫心有

守心而無滯行雖與之縣不亦可乎音義行下孟反疏正義

曰遠不忘君言職雖疏遠而心在公室常忠敬也近不偏同言親近有寵不偏迫同位常謙共也居利思

義臨財不苟得思義可取乃取之也在約思純處貧賈而思純固無叨濫之心也有守善之心而無滯邪

之行雖則親子而昔武王克商光有天下注光大也與之縣不亦可乎

其兄弟之國者十有五人姬姓之國者四十人皆舉

親也夫舉無他唯善所在親疏一也疏

正義曰由武王克商得封

建諸國歸功於武王耳此十五國或有在後封者非武王之時盡得封也尚書康誥之篇周公營洛之年始封康叔于衛洛誥之篇周公致政之年始封伯禽于魯明知武王之時兄弟未盡封也僖二十四年傳稱周公弔二叔之不咸故封建親戚以藩屏周亦以周公為制禮之主故歸功於周公耳非盡周公封也九年傳曰文武成康之封建母弟則康王之世尚有封國宣王方始封鄭非獨武王周公封諸國也僖二十四年傳數文之昭也有十六國此言武王兄弟之國十五人者人異故說異耳非武王封十五周公始加一也以魯衛驗之知

詩曰唯此文王帝度其心莫

周公所加非唯一耳

其德音其德克明克類克長克君王此大國克  
順克比比于文王其德靡悔既受帝祉施于孫子注

詩大雅美文王能王大國受天福施及子孫音義

唯此

文王詩作唯此王季度待洛反下及注同莫亡白反  
又如字爾雅云貊莫安定也下及注同長丁文反下

及注同王此于况反注能王 疏正義曰詩大雅皇矣

同社音恥施以鼓反注同 之篇美文王之德也

唯此文王之身為天帝所佑天帝開度其心令其有

揆度之慧所度前事莫不皆得其中也又使之莫然

安靜其德教之善音施之於人則皆應和之也又能

有監眇在下之明又能有勤施無私之善又能教誨

不俸有爲人師長之德又能賞善刑惡有爲人君上

之度既有人君之德故爲人君王此周之大邦也其

施教令能使國人徧服而順之既爲國人順服又能  
擇人之善者比方其善乃從而用之以此文王之德  
比于上世有能經緯天地文德之王如堯舜之輩其  
此詩人稱比較于文王之九德其德皆是無爲人所  
悔吝者言文王之德堪比或以爲比于前世文德之  
王義亦通也以此之故既受天之祔福施及于後世  
之子孫得使長王天下也此章文次如此者德皆天  
之所授故先言帝度其心明以下皆蒙帝文也德由  
心起故先言心能度物也心既能度然後能施爲政  
教故次莫其德音言變政教清靜也爲君所以施政  
故先言政教清靜乃論身內之德故次能明能善其  
明與善還是德音之事施之于人有照臨之明勤施  
之善耳心能施而無私乃可爲人君長故次克長克  
君長即師也學記曰能爲師然後能爲長能爲長然  
後能爲君故先長後君也既言堪爲人君即說爲君  
之事故言王此大邦也既爲大邦之君能使國人順



服故次克順也民既順服又須擇善用之故次克比也  
比于文王其德無可恨故言受天之福澤流後世以結之  
此傳言唯此文王毛詩作維此王季經涉亂離師有異讀  
後人因而兩存不敢追改今王肅注毛詩及韓詩亦作唯  
此文王鄭注毛詩作維此王季故解比于文王言王季之德  
可以比于文王也劉炫云此作唯此文王不可以文王之德  
還自比文王故知比于文王可以比于上代文德之王也  
心能

制義曰度注帝度其心疏

正義曰心能制斷時事使合於義是為善揆度也言

預度未來之事皆得中也

德正應和曰莫注莫然清靜音義

應應對之

應和如字又胡臥反

疏正義曰毛詩莫作貊樂記引此詩亦作莫釋詁云路嘆安定也郭璞云皆靜定

毛傳云貊靜也其德既正為政清靜故有所施為民皆應和易繫辭曰君子居其室出其言善則千里之

外應之即此義也莫是清靜之意故杜云莫然清靜照臨四方曰明勤施無私

曰類注施而無私物得其所無失類也音義

施式鼓反注及

下疏注正義曰勤行施惠情無偏私物皆得所是無失類也鄭玄云類善也無失類者不失善之類

也教誨不倦曰長注教誨長人之道賞慶刑威曰君

注作威作福君之職也疏

正義曰人君執賞罰之柄以賞慶人以刑威物是為

君之道慈和徧服曰順注唯順故天下徧服音義

徧音遍注

同疏正義曰人君執慈心以惠下用和善以接物則天下徧服而順從之故為順也易繫辭云天之

所助者順故杜云唯順故天下徧服擇善而從之曰比注比方善事使

相從也經緯天地曰文注經緯相錯故織成文疏正義

曰易稱聖人先天而天弗違後天而奉天時言德能順天隨天所為如經緯相錯織成文章故爲文也

九德不愆作事無悔注九德上九曰也皆無愆過則

動無悔吝音義吝力故襲天祿子孫賴之注襲受也

主之舉也近文德矣所及其遠哉注舉魏戊等勤施

無私也其四者擇善而從故曰近文德所及遠也音

義近附近疏注正義曰成鱗引此詩者唯欲取克類

王以有此德故得施于子孫魏子既近文德亦將所及遠也○賈辛將適其縣見

於魏子魏子曰卒來昔叔向適鄭醜蔑惡注惡貌醜

音義

醜音子  
工反

欲觀叔向從使之收器者注從隨也隨

使人應斂俎豆者疏

正義曰下云叔向將飲酒將欲舉爵而飲此則飲酒未畢使者

擬收器耳  
未即收也

而徃立於堂下一言而善叔向將飲酒聞

之曰必醜明也注素聞其賢故聞其言而知之疏

正義

曰舊說云一言者  
謂設由上徹由下

下執其手以上曰昔賈大夫惡注

賈國之大夫惡亦醜也音義

上時掌反  
下並注同

娶妻而美三

年不言不笑御以如臯注爲妻御之臯澤音義

娶七  
住反

爲于疏正義曰詩云鶴鳴于九臯是臯爲射雉獲之  
偽反疏澤也如往也爲妻御車以往澤也

其妻始笑而言賈大夫曰才之不可以已我不能射

女遂不言不笑夫今子少不颺注顏貌不揚顯音義

射雉食亦反女音汝  
下同夫音扶颺音揚

子若無言吾幾失子矣言不可

以已也如是遂如故知今女有功於王室吾是以舉

女注因賈辛有功而後舉之言人不可無能音義幾音

祈  
疏正義曰遂如  
故舊相知

行乎敬之哉母墮乃力注墮損也

音義  
母音無墮  
許規反

仲尼聞魏子之舉也以爲義曰近不

失親注謂舉魏戍遠不失舉注以賢舉可謂義矣又

聞其命賈辛也以爲忠注先賞王室之功故爲忠詩

曰永言配命自求多福忠也注詩大雅永長也言能

長配天命致多福者唯忠疏正義曰詩大雅文王之

之所爲配上天之命而行之是自求衆多之福使歸

已此詩之意言忠則然也言魏子能忠必有多福歸

之魏子之舉也義其命也忠其長有後於晉國乎○  
冬梗陽人有獄魏戍不能斷以獄上注上魏子音義

斷丁其大宗賂以女樂注訟者之大宗魏子將受之

亂反

魏戊謂閻沒女寬注二人魏子之屬大夫音義

閻以占反

曰主以不賄聞於諸侯若受梗陽人賄莫甚焉吾子必諫皆許諾退朝待於庭注魏子朝君退而待於魏

子之庭音義

聞如字又音問

饋入名之注名二大夫食音義

饋求位反

比置三歎既食使坐注更命之令坐音義

比必利反

令力呈反

魏子曰吾聞諸伯叔諺曰唯食忘憂吾子置食

之間三歎何也同辭而對曰或賜二小人酒不夕食

注或他人也言飢甚饋之始至恐其不足是以歎中

置自咎曰豈將軍食之而有不足是以再歎注魏子

中軍將故謂之將軍音義

咎其九反食之音嗣帥所類反本又作率同

疏

注正義曰晉使卿爲軍將謂之將中軍將上軍此以魏子將中軍故呼爲將軍及六國以來遂以將軍爲官名蓋其元起於此

厭而已注屬足也言小人之腹飽猶知厭足君子之

心亦宜然音義

屬之玉反注同厭於鹽反又於豔反注同

獻子辭梗陽人

注傳言魏氏所以興也

春秋左傳注疏卷五十二



春秋左氏傳注疏卷五十二考證

公至自齊居于鄆○蘇轍曰凡公行反而告廟則書至  
在外雖不告而書至所以存公也

臣召南

按此說較

疏所引賈逵之說爲勝季氏豈時時能以公至告廟  
乎此實聖人特筆所以示君臣之義也

公圍成○孫復曰公圍成書者見國內皆叛也

尹氏召伯毛伯以王子朝奔楚疏召伯逆王于尸○尸

地名監本訛作戶今改正

傳處于鄆言魯地也○

臣召南

按諸侯於其境內皆可

言居書處于鄆所以別于三十年以後之書在乾侯也

傳師及齊師戰于炊鼻注非公命則不書○趙汭補注曰戰不書爲魯諱臣拒君也故齊師圍成特書公以見義

傳王次于滑疏襄十八年楚人伐鄭傳稱公子格率銳師侵費滑胥靡○

臣召南

按公子格之上似應有薦

子馮三字疏不應偏舉一人

傳王入于成周○吳澄曰王城曰東都蓋以鎬京爲周之西都相對而言也成周曰下都蓋以王城爲洛之上都相對而言也

傳晉師使成公般戍周而還○監本脫使字今添

傳王入于莊宮注莊宮在王城○趙汭補注曰汪氏云敬王此時已入王城矣三十二年書城成周蓋入王城而勿居遂定都成周也

傳諸侯釋位以間王政疏周公二公二相行政○依周本紀應作周公召公二相行政

傳攜王奸命疏攜王爲晉文公所殺以本非適故稱攜王○臣召南按此晉文公乃文侯非重耳也

楚殺其大夫卻宛注故書名罪宛○臣召南按傳言卻

宛之寃則宛無罪

傳使延州來季子聘于上國疏則上國之言不包晉矣

○臣召南按吳謂中原諸國爲上國晉亦其一也

傳楚莠尹然工尹麋帥師救潛○疏既從定本作工尹  
則俗本作王尹非也前傳有工尹路即其明証今改  
正

傳乃辭小國而以難復○趙汭補注曰傳見諸侯皆欲  
納公晉卿貪故勿克

傳君亦不使一个辱在寡人○趙汭補注曰謂公先齊  
而後晉非謂不告

傳且三代之亡共子之廢皆是物也疏申人繒人召西

戎以伐周○繒監本訛作郟今改正

傳非是莫喪羊舌氏矣○臣名南按祁氏羊舌氏之滅

晉之公族盡矣史記晉世家曰六卿欲弱公氏乃遂以法盡滅其族而分其邑爲十縣各令其子爲大夫晉益弱六卿皆大可謂直筆矣滅祁盈始於知躒知氏子孫卒見滅於趙魏韓孰謂無天道哉

傳知徐吾爲塗水大夫注徐吾知盈孫○孫監本訛作縣今改正

傳僚安爲楊氏大夫○楊監本訛作陳今改正

傳謂知徐吾趙朝韓固魏戍餘子之不失職能守業者

也○臣名南按十縣中而知趙韓魏之餘子居其四

則四卿之專晉國始於此矣

傳豈將軍食之而有不足疏及六國以來遂以將軍爲

官名蓋其元起於此○臣名南按漢書百官公卿表

云將軍秦官是未深考耳

春秋左氏傳注疏卷五十二考證



謹按第七頁前六行疏以刀擊也諸本並作謂以擊也據宋本改

第十頁後三行注周人流王于彘刊本于訛壬今改

第十二頁後七行疏為晉文侯所殺諸本侯訛公據宋本改

第十六頁前八行傳亦惟伯仲叔季圖之諸本伯仲訛作仲伯今改

第二十六頁前二行注擇取以進子常諸本取訛  
此據宋本改

第三十五頁後五行疏忿怒狠戾刊本狠訛狼今  
改

後六行疏謂狠戾也刊本狠訛狼今改


第三十八頁後三行疏宦卿之適以為公族諸本  
宦訛官據宋本及宣二年傳改

第四十頁後三行疏勤施之善耳諸本施訛心據

宋本改

第四十一頁後三行疏勤行施惠刊本勤訛動今  
改





覆校官編修臣項家達

校對官檢討臣郭寅

膳錄監生臣袁文宿